

Akkadische und sumerische Texte (AST)

# Der Kodex Hammurabi (KH)

## Transliteration

Quellen:

Rykle Borger, *Babylonisch-Assyrische Lesestücke*<sup>3</sup> (*Analecta Orientalia* 54)  
Heft I, XIII–XV, 2–50 (2006)

Dokumentation (Fotos und Kopien):

Cuneiform Digital Library Initiative (CDLI) <http://cdli.ucla.edu/P249253>

bearbeitet von

Walter Sommerfeld

Centrum für Nah- und Mittelost-Studien (CNMS)

Philipps-Universität Marburg

Version 1.0

10. Juli 2014

Dieses Werk ist lizenziert unter einer Creative Commons Namensnennung-Nicht kommerziell 4.0 International Lizenz.

This work is licensed under a Creative Commons Attribution-NonCommercial 4.0 International License.

(<http://creativecommons.org/licenses/by-nc/4.0/>)

## (Prolog)

I	1	<i>ì-nu AN ši-ru-um</i> LUGAL <sup>d</sup> A-nun-na-ki <sup>d</sup> En-líl <i>be-el ša-me-e</i>
	5	<i>ù er-še-tim</i> <i>ša-i-im</i> <i>ši-ma-at KALAM</i> <i>a-na <sup>d</sup>AMAR.UD</i> DUMU <i>re-eš-ti-im</i>
	10	<i>ša <sup>d</sup>EN.KI</i> <sup>d</sup> EN.LÍL-ut KIS <i>ní-ši</i> <i>i-ši-mu-šum</i> <i>in I-gi<sub>4</sub>-gi<sub>4</sub></i>
	15	<i>ú-šar-bi-ù-šu</i> KÁ.DINGIR.RA <sup>ki</sup> <i>šum-šu ši-ra-am ib-bi-ù</i> <i>in ki-ib-ra-tim</i> <i>ú-ša-te-ru-šu</i>
	20	<i>i-na li-ib-bi-šu</i> <i>šar-ru-tam da-rí-tam</i> <i>ša ki-ma ša-me-e</i> <i>ù er-še-tim</i> <i>iš-da-ša</i>
	25	<i>šu-úr-šu-da</i> <i>ú-ki-in-nu-šum</i> <i>i-nu-mi-šu</i> <i>Ha-am-mu-ra-bi</i> <i>ru-ba-am</i>
	30	<i>na-a'-dam</i> <i>pa-li-iḫ i-lí ia-ti</i> <i>mi-ša-ra-am</i> <i>i-na ma-tim</i> <i>a-na šu-pí-i-im</i>
	35	<i>ra-ga-am ù še-nam</i> <i>a-na hu-ul-lu-qí-im</i> <i>dan-nu-um</i> <i>en-ša-am</i> <i>a-na la ha-ba-li-im</i>
	40	<i>ki-ma <sup>d</sup>UTU</i> <i>a-na SAG.GI<sub>6</sub></i> <i>wa-še-e-em-ma</i> <i>ma-tim</i> <i>nu-wu-ri-im</i>
	45	AN <i>ù <sup>d</sup>En-líl</i> <i>a-na ši-ir ní-ši</i> <i>tú-ub-bi-im</i>

- 50 *šu-mi ib-bu-ú*  
*Ha-am-mu-ra-bi*  
*re-iu-um*  
*ni-bi-it*  
<sup>d</sup>En-líl *a-na-ku*  
*mu-kam-me-er*
- 55 *nu-úh-ši-im*  
*ù tú-úh-di-im*  
*mu-ša-ak-li-il*  
*mi-im-ma šum-šu*  
*a-na Nibru<sup>ki</sup> Dur-an-ki*
- 60 *za-ni-nu-um*  
*na-<sup>r</sup>a<sup>ʾ</sup>-du-um*  
*ša É-kur*  
 LUGAL *le-iu-um*  
*mu-te-er<sup>uru</sup> Eridu<sup>ki</sup>*
- 65 *a-na aš-ri-šu*  
*mu-ub-bi-ib*
- II 1 *šu-luḥ É-abzu*  
*ti-i-ib*  
*ki-ib-ra-at*  
*er-bé-tim*
- 5 *mu-šar-bí zi-ik-ru*  
 KÁ.DINGIR.RA<sup>ki</sup>  
*mu-ṭi-ib*  
*li-ib-bi<sup>d</sup> AMAR.UD*  
*be-lí-šu*
- 10 *ša u<sub>4</sub>-mi-šu*  
*iz-za-zu*  
*a-na É-sag-íl*  
 NUMUN *šar-ru-tim*  
*ša<sup>d</sup> EN.ZU*
- 15 *ib-ni-ù-šu*  
*mu-na-aḥ-ḥi-iš*  
<sup>uru</sup>Uriš<sup>ki</sup>  
*wa-aš-ru-um*  
*mu-uš-te-mi-qum*
- 20 *ba-bíl HÉ.GÁL*  
*a-na É<sup>r</sup>-kiš-nu-gál*  
 LUGAL *ta-ši-im-tim*  
*še-mu<sup>d</sup> UTU da-núm*  
*mu-ki-in*
- 25 <sup>SUḤUŠ</sup> UD.KIB.NUN<sup>ki</sup>  
*mu-ša-al-bi-iš*  
*wa-ar-qí-im*  
*gi-gu-ne-e<sup>d</sup> A-a*  
*mu-ši-ir*
- 30 *É É-babbar*  
*ša ki šu-ba-at ša-ma-i*  
 UR.SAG *g[a]-mi-il*

- Larsa<sup>ki</sup>  
*mu-ud-di-iš É-babbar*  
 35 *a-na* <sup>d</sup>UTU  
*re-ši-šu*  
*be-lum mu-ba-lí-iṭ*  
 Unug<sup>ki</sup>  
 40 *ša-ki-in me-e*  
*nu-úh-ši-im*  
*a-na ni-ši-šu*  
*mu-ul-li*  
*re-eš É-an-na*  
*mu-kam-me-er*  
 45 *hi-iš-bi-im*  
*a-na AN-nim*  
*ù* <sup>d</sup>INANNA  
 AN.DÙL *ma-tim*  
*mu-pa-aḥ-hi-ir*  
 50 *ni-ši sa<sub>6</sub>-ap-ḥa-tim*  
*ša Ī-si-in*<sup>ki</sup>  
*mu-ṭa-aḥ-hi-id*  
*nu-úh-ši-im*  
*É É-gal-maḥ*  
 55 GAL.UŠUM LUGAL-*rí*  
*ta-li-im*  
<sup>d</sup>Za-ba<sub>4</sub>-ba<sub>4</sub>  
*mu-šar-ši-id*  
*šu-ba-at* <sup>uru</sup>Kiš<sup>ki</sup>  
 60 *mu-uš-ta-ás-hi-ir*  
*me-le-em-mi*  
*É-me-te-ur-sag*  
*mu-uš-te-eṣ-bi*  
*pa-ar-ṣí ra-bu-ú-tim*  
 65 *ša* <sup>d</sup>INANNA  
*pa-qí-id bi-tim*  
 Hur-sag-kalam-ma  
*sa-par<sub>4</sub> na-ki-ri*  
*ša Īr-ra ru-šu*  
 70 *ú-ša-ak-ši-du*  
 III 1 *ni-iz-ma-sú*  
*mu-ša-te-er*  
<sup>uru</sup>Gú-du<sub>8</sub>-a<sup>ki</sup>  
*mu-ra-ap-pí-iš*  
 5 *mi-im-ma šum-šu*  
*a-na Mes-lam*  
*ri-mu-um*  
*ka-ad-ru-um*  
*mu-na-ak-ki-ip za-i-ri*  
 10 *na-ra-am Tu-tu*  
*mu-ri-iš*  
<sup>uru</sup>Bar-sí-pá<sup>ki</sup>

- na-a' -du-um*  
*la mu-up-pa-ar-ku-ú-um*  
 15 *a-na É-zi-da*  
*i-lu LUGAL-ri*  
*mu-de IGI.GÁL-im*  
*mu-ša-ad-di-il*  
*me-re-eš-tim*  
 20 *ša Dil-bad<sup>ki</sup>*  
*mu-ga-ar-ri-in GUR<sub>7</sub>.GUR<sub>7</sub>*  
*a-na <sup>d</sup>Uraš*  
*ga-aš-ri-im*  
*be-lum sí-ma-at*  
 25 *ḥa-aṭ-ṭi-im*  
*ù a-ge-em*  
*ša ú-ša-ak-li-lu-šu*  
*e-ri-iš-tum*  
<sup>d</sup>Ma-ma  
 30 *mu-ki-in*  
*ú-ṣú-ra-tim*  
*ša Keš<sup>ki</sup>*  
*mu-de-eš-ši*  
*ma-ka-li el-lu-tim*  
 35 *a-na <sup>d</sup>Nin-tu*  
*mu-uš-ta-lum*  
*gi-it-ma-lum*  
*ša-i-im*  
*mi-ri-tim*  
 40 *ù ma-aš-qí-tim*  
*a-na Lagaš<sup>ki</sup>*  
*ù Gír-su<sup>ki</sup>*  
*mu-ki-il*  
*ni-in-da-bé-e*  
 45 *ra-bu-tim*  
*a-na É-ninnu*  
*mu-tam-me-eḥ a-a-bi*  
*mi-gi<sub>4</sub>-ir*  
*te-li-tim*  
 50 *mu-ša-ak-li-il*  
*te-re-tim*  
*ša ZÁBALA<sup>ki</sup>*  
*mu-ḥa-ad-di*  
*li-ib-bi Iš<sub>8</sub>-tár*  
 55 *ru-bu-um el-lum*  
*ša ni-iš qá-ti-šu*  
<sup>d</sup>IŠKUR *i-du-ú*  
*mu-ne-eḥ*  
*li-ib-bi <sup>d</sup>IŠKUR*  
 60 *qú-ra-di-im*  
*i-na <sup>uru</sup>IM<sup>ki</sup>*  
*mu-uš-ta-ak-ki-in*

		<i>sí-ma-tim</i>
		<i>i-na É-u<sub>4</sub>-gal-gal</i>
65		LUGAL <i>na-di-in</i>
		<i>na-pí-iš-tim</i>
		<i>a-na Adab<sup>ki</sup></i>
		<i>a-še-er</i>
		É É-maḥ
70		<i>e-te-el LUGAL-rí</i>
		<i>qá-ba-al</i>
		<i>la ma-ḥa-ri-im</i>
IV	1	<i>šu i-qí-šu</i>
		<i>na-ap-ša-tam</i>
		<i>a-na<sup>uru</sup> Maš-kán-ŠABRA<sup>ki</sup></i>
		<i>mu-še-eš-qí</i>
	5	<i>nu-úḥ-ši-im</i>
		<i>a-na Mes-lam</i>
		<i>em-qum</i>
		<i>mu-tab-bi-lum</i>
		<i>šu ik-šu-du</i>
	10	<i>na-ga-ab úr-ši-im</i>
		<i>mu-uš-pa-az-zi-ir</i>
		<i>ni-ši MÀ.AL.GU<sub>7</sub>(NAG).A<sup>ki</sup></i>
		<i>in ka-ra-ši-im</i>
		<i>mu-šar-ši-du</i>
	15	<i>šu-ba-ti-ši-in</i>
		<i>in nu-úḥ-ši-IN</i>
		<i>a-na<sup>d</sup>EN.KI</i>
		<i>ù<sup>d</sup>Dam-gal-nun-na</i>
		<i>mu-šar-bu-ú</i>
	20	<i>šar-ru-ti-šu</i>
		<i>da-rí-iš i-ši-mu</i>
		<i>zi-bi el-lu-tim</i>
		<i>a-ša-re-ed LUGAL-rí</i>
		<i>mu-ka-an-ni-iš</i>
	25	<i>da-ad-mi</i>
		<i><sup>i7</sup>BURANUN.NA</i>
		<i>ì-tum<sup>d</sup>Da-gan</i>
		<i>ba-ni-šu</i>
		<i>šu ig-mi-lu</i>
	30	<i>ni-ši Me-ra<sup>ki</sup></i>
		<i>ù Tu-tu-ul<sup>ki</sup></i>
		<i>ru-bu-um</i>
		<i>na-a<sup>7</sup>-du-um</i>
		<i>mu-na-wi-ir</i>
	35	<i>pa-ni<sup>d</sup>Tišpak</i>
		<i>ša-ki-in ma-ka-li el-lu-tim</i>
		<i>a-na<sup>d</sup>Nin-a-zu</i>
		<i>ša-ṭi-ip ni-ši-šu</i>
		<i>in pu-uš-qí-im</i>
	40	<i>mu-ki-in-nu</i>

- iš-di-ši-in*  
*qer-bu-um*  
 KÁ.DINGIR.RA<sup>ki</sup>  
*šu-ul-ma-ni-iš*  
 45 SIPA *ni-ši*  
*ša ep-še-tu-šu*  
*e-li Iš<sub>8</sub>-tár ta-ba*  
*mu-ki-in-ni Iš<sub>8</sub>-tár*  
*i-na É-ul-maš*  
 50 *qer-bu-um*  
 A-kà-dè<sup>ki</sup>  
*re-bi-tim*  
*mu-še-pí ki-na-tim*  
*mu-šu-še-er am-mi*  
 55 *mu-te-er*  
<sup>d</sup>LÀMA-šu  
*da-mi-iq-tim*  
*a-na* <sup>uru</sup>A-šur<sub>4</sub><sup>ki</sup>  
*mu-še-ep-pí na-bi-ḫi*  
 60 LUGAL *ša i-na Ni-nu-a*<sup>ki</sup>  
*i-na É-mes-mes*  
*ú-šu-pí-ù*  
*me-e* <sup>d</sup>INANNA  
*na-a' -du-um*  
 65 *mu-uš-te-mi-qum*  
*a-na* DINGIR GAL.GAL  
*li-ib-li-ib-bi*  
*ša Su-mu-la-DINGIR*  
 IBILA *da-núm*  
 70 *ša* <sup>d</sup>EN.ZU-*mu-ba-lí-iṭ*  
 NUMUN *da-rí-um*  
*ša šar-ru-tim*  
 LUGAL *da-núm*  
<sup>d</sup>UTU-šu  
 5 KÁ.DINGIR.RA<sup>ki</sup>  
*mu-še-ší nu-ri-im*  
*a-na ma-at*  
*Šu-me-rí-im*  
*ù Ak-ka-di-im*  
 10 LUGAL *mu-uš-te-eš-mi*  
*ki-ib-ra-at*  
*ar-ba-im*  
*mi-gi<sub>4</sub>-ir* <sup>d</sup>INANNA *a-na-ku*  
*i-nu-ma*  
 15 <sup>d</sup>AMAR.UD  
*a-na šu-te-šu-ur ni-ši*  
 KALAM *ú-si-ṛim*<sup>7</sup>  
*šu-ḫu-zi-im*  
*ú-wa-e-ra-an-ni*  
 20 *ki-it-tam*

ù mi-ša-ra-am  
 i-na KA ma-tim  
 aš-ku-un  
 ši-ir ni-ši ú-ti-ib  
 25 i-nu-mi-šu

## (§1)

šum-ma a-wi-lum a-wi-lam  
 ú-ub-bi-ir-ma  
 ne-er-tam e-li-šu  
 id-di-ma  
 30 la uk-ti-in-šu  
 mu-ub-bi-ir-šu  
 id-da-ak

## (§2)

šum-ma a-wi-lum  
 ki-iš-pí  
 35 e-li a-wi-lim id-di-ma  
 la uk-ti-in-šu  
 ša e-li-šu  
 ki-iš-pu na-du-ú  
 a-na <sup>d</sup>I<sub>7</sub>  
 40 i-il-la-ak  
<sup>d</sup>I<sub>7</sub> i-ša-al-li-a-am-ma  
 šum-ma <sup>d</sup>I<sub>7</sub>  
 ik-ta-ša-sú  
 mu-ub-bi-ir-šu  
 45 É-sú i-tab-ba-al  
 š[u]m-ma a-wi-lam šu-a-ti  
<sup>d</sup>I<sub>7</sub>  
 ú-<sup>r</sup>te<sup>ˀ</sup>-eb-bi-ba-aš-šu-ma  
 iš-ta-al-ma-am  
 50 ša e-li-šu  
 ki-iš-pí id-du-ú  
 id-da-ak  
 ša <sup>d</sup>I<sub>7</sub>  
 iš-li-a-am  
 55 É m[u]-ub-bi-ri-šu  
 i-tab-ba-[a]l

## (§3)

šum-ma a-wi-lum  
 i-na di-nim  
 a-na ši-bu-ut  
 60 sà-ar-ra-tim  
 ú-sí-a-am-ma  
 a-wa-at iq-bu-ú



- la uk-ti-in*  
*šum-ma di-nu-um šu-ú*  
 65 *di-in na-pí-iš-tim*  
*a-wi-lum šu-ú*  
*id-da-ak*
- (§4)  
 VI *šum-ma a-na ši-bu-ut*  
 ŠE ù KÙ.BABBAR  
*ú-ší-a-am*  
*a-ra-an*  
*di-nim šu-a-ti*  
 5 *it-ta-na-aš-ši*
- (§5)  
*šum-ma da-a-a-nu-um*  
*di-nam i-di-in*  
*pu-ru-sà-am*  
*ip-ru-ús*  
 10 *ku-nu-uk-kam*  
*ú-še-zi-ib*  
*wa-ar-ka-nu-um-ma*  
*di-in-šu i-te-ni*  
*da-a-a-nam šu-a-ti*  
 15 *i-na di-in i-di-nu*  
*e-ne-em*  
*ú-ka-an-nu-šu-ma*  
*ru-gu-um-ma-am*  
*ša i-na di-nim šu-a-ti*  
 20 *ib-ba-aš-šu-ú*  
 A.RÁ 12-šu  
*i-na-ad-di-in*  
*ù i-na pu-úh-ri-im*  
*i-na* <sup>giš</sup>GU.ZA  
 25 *da-a-a-nu-ti-šu*  
*ú-še-et-bu-ú-šu-ma*  
*ú-ul i-ta-ar-ma*  
*it-ti da-a-a-ni*  
*i-na di-nim*  
 30 *ú-ul uš-ša(TA)-ab*
- (§6)  
*šum-ma a-wi-lum*  
 NÍG.GA DINGIR  
*ù É.GAL*  
*iš-ri-iq*  
 35 *a-wi-lum šu-ú*  
*id-da-ak*

- ù ša šu-úr-qá-am  
 i-na qá-ti-šu  
 im-ḥu-ru  
 40 id-da-ak
- (§7)  
 [š]um-ma a-wi-lum  
 lu KÛ.BABBAR  
 lu KÛ.GI  
 lu ÌR lu GÉME  
 45 lu GU<sub>4</sub> lu UDU  
 lu ANŠE  
 ù lu mi-im-ma šum-šu  
 i-na qá-at DUMU a-wi-LUM  
 ù lu ÌR a-wi-lim  
 50 ba-lum ši-bi  
 ù ri-ik-sa-tim  
 iš-ta-am  
 ù lu a-na ma-ša-ru-tim  
 im-ḥu-ur  
 55 a-wi-lum šu-ú  
 šar-ra-aq id-da-ak

- (§8)  
 šum-ma a-wi-lum  
 lu GU<sub>4</sub> lu UDU lu ANŠE lu ŠAḤ  
 ù lu <sup>giš</sup>MÁ  
 60 iš-ri-iq  
 šum-ma ša i-lim  
 šum-ma ša É.GAL  
 A.RÁ 30-šu  
 i-na-ad-di-in  
 65 šum-ma ša MAŠ.EN.GAG  
 A.RÁ 10-šu i-ri-a-ab  
 šum-ma šar-ra-qá-nu-um  
 ša na-da-nim la i-šu  
 id-da-ak

- (§9)  
 70 šum-ma a-wi-lum  
 VII ša mi-im-mu-šu ḥal-quí  
 mi-im-ma-šu  
 ḥal-qá-am  
 i-na qá-ti a-wi-lim  
 5 iš-ša-ba-at  
 a-wi-lum ša ḥu-ul-qum  
 i-na qá-ti-šu  
 ša-ab-tu

- na-di-na-nu-um-mi id-di-nam*  
 10 *ma-ḥar ši-bi-mi*  
*a-ša-am*  
*iq-ta-bi*  
*ù be-el ḥu-ul-qí-im*  
*ši-bi mu-de*  
 15 *ḥu-ul-qí-ia-mi*  
*lu-ub-lam*  
*iq-ta-bi*  
*ša-a-a-ma-nu-um*  
*na-di-in*  
 20 *id-di-nu-šum*  
*ù ši-bi*  
*ša i-na maḥ-ri-šu-nu*  
*i-ša-mu it-ba-lam*  
*ù be-el ḥu-ul-qí-im*  
 25 *ši-bi mu-de ḥu-ul-qí-šu*  
*it-ba-lam*  
*da-a-a-nu*  
*a-wa-a-ti-šu-nu*  
*i-im-ma-ru-ma*  
 30 *ši-bu ša maḥ-ri-šu-nu*  
*ši-mu-um*  
*iš-ša-mu*  
*ù ši-bu mu-de*  
*ḥu-ul-qí-im*  
 35 *mu-du-sú-nu*  
*ma-ḥar i-lim*  
*i-qá-ab-bu-ma*  
*na-di-na-nu-um*  
*šar-ra-aq id-da-ak*  
 40 *be-el ḥu-ul-qí-im*  
*ḥu-lu-uq-šu*  
*i-le-qé*  
*ša-a-a-ma-nu-um*  
*i-na bi-it*  
 45 *na-di-na-nim*  
 KÛ.BABBAR *iš-qú-lu*  
*i-le-qé*

**(§10)**

- šum-ma ša-a-a-ma-nu-um*  
*na-di-in*  
 50 *id-di-nu-šum*  
*ù ši-bi ša i-na maḥ-ri-šu-nu*  
*i-ša-mu*  
*la it-ba-lam*  
*be-el ḥu-ul-qí-im-ma*  
 55 *ši-bi mu-de*  
*ḥu-ul-qí-šu it-ba-lam*

60 *ša-a-a-ma-nu-um*  
*šar-ra-aq id-da-ak*  
*be-el hu-ul-qí-im*  
*hu-lu-uq-šu*  
*i-le-qé*

**(§11)**

VIII 65 *šum-ma be-el hu-ul-qí-im*  
*ši-bi mu-de*  
*hu-ul-qí-šu*  
*la it-ba-lam*  
*sà-ar*  
*tu-uš-ša-am-ma id-ke (oder:) id-di!(K1)*  
*id-da-ak*

**(§12)**

5 *šum-ma na-di-na-nu-um*  
*a-na ši-im-tim*  
*it-ta-la-ak*  
*ša-a-a-ma-nu-um*  
*i-na bi-it*  
*na-di-na-nim*  
 10 *ru-gu-um-me-e*  
*di-nim šu-a-ti*  
*A.RÁ 5-šu*  
*i-le-qé*

**(§13)**

15 *šum-ma a-wi-lum šu-ú*  
*ši-bu-šu la qer-bu*  
*da-a-a-nu a-da-nam*  
*a-na ITI.6.KAM*  
*i-ša-ak-ka-nu-šum-ma*  
*šum-ma i-na ITI.6.KAM*  
 20 *ši-bi-šu la ir-de-a-am*  
*a-wi-lum šu-ú*  
*sà-ar*  
*a-ra-an di-nim šu-a-ti*  
*it-ta-na-aš-ši*

**(§14)**

25 *šum-ma a-wi-lum*  
*DUMU a-wi-lim*  
*še-eh-ra-am*  
*iš-ta-ri-iq*  
*id-da-ak*

## (§15)

- 30 *šum-ma a-wi-lum*  
*lu ÌR É.GAL*  
*lu GÉME É.GAL*  
*lu ÌR MAŠ.EN.GAG*  
*lu GÉME MAŠ.EN.GAG*
- 35 *KÁ.GAL uš-te-ší*  
*id-da-ak*

## (§16)

- šum-ma a-wi-lum*  
*lu ÌR lu GÉME*  
*ḫal-qá-am*
- 40 *ša É.GAL*  
*ù lu MAŠ.EN.GAG*  
*i-na bi-ti-šu*  
*ir-ta-qí-ma*  
*a-na ší-si-it*
- 45 *na-gi-ri-im*  
*la uš-te-ší-a-am*  
*be-el É šu-ú*  
*id-da-ak*

## (§17)

- šum-ma a-wi-lum*
- 50 *lu ÌR lu GÉME*  
*ḫal-qá-am*  
*i-na še-ri-im*  
*iš-ba-at-ma*  
*a-na be-lí-šu*
- 55 *ir-te-de-a-aš-šu*  
 2 GÍN KÙ.BABBAR  
*be-el ÌR*  
*i-na-ad-di-iš-šum*

## (§18)

- šum-ma ÌR šu-ú*
- 60 *be-el-šu*  
*la iz-za-kar*  
*a-na É.GAL*  
*i-re-ed-de-šu*  
*wa-ar-ka-sú*
- 65 *ip-pa-ar-ra-ás-ma*  
*a-na be-lí-šu*  
*ú-ta-ar-ru-šu*

- IX
- (§19)  
*šum-ma ÌR*  
*šu-a-ti*  
 70 *i-na bi-ti-šu*  
*ik-ta-la-šu*  
*wa-ar-ka ÌR*  
*i-na qá-ti-šu*  
*it-ta-aš-ba-at*  
*a-wi-lum šu-ú*  
*id-da-ak*
- (§20)  
 5 *šum-ma ÌR*  
*i-na qá-at*  
*ša-bi-ta-ni-šu*  
*iḥ-ta-li-iq*  
*a-wi-lum šu-ú*  
 10 *a-na be-el ÌR*  
*ni-iš i-lim*  
*i-za-kar-ma*  
*ú-ta-aš-šar*
- (§21)  
 15 *šum-ma a-wi-lum*  
*bi-tam*  
*ip-lu-uš*  
*i-na pa-ni*  
*pí-il-ši-im*  
*šu-a-ti*  
 20 *i-du-uk-ku-šu-ma*  
*i-ḥa-al-la-lu-šu*
- (§22)  
 25 *šum-ma a-wi-lum*  
*ḥu-ub-tam*  
*iḥ-bu-ut-ma*  
*it-ta-aš-ba-at*  
*a-wi-lum šu-ú*  
*id-da-ak*
- (§23)  
 30 *šum-ma ḥa-ab-ba-tum*  
*la it-ta-aš-ba-at*  
*a-wi-lum*  
*ḥa-ab-tum*  
*mi-im-ma-šu*  
*ḥal-qá-am*

ma-ḥa-ar  
 35 i-lim  
 ú-ba-ar-ma  
 URU  
 ù ra-bi-a-nu-um  
 ša i-na er-še-ti-šu-nu  
 40 ù pa-ṭi-šu-nu  
 ḥu-ub-tum  
 iḥ-ḥa-ab-tu  
 mi-im-ma-šu  
 ḥal-qá-am  
 45 i-ri-a-ab-bu-šum

## (§24)

šum-ma na-pí-iš-tum  
 URU ù ra-bi-a-nu-um  
 1 MA.NA KÙ.BABBAR  
 a-na ni-ši-šu  
 50 i-ša-qá-lu

## (§25)

šum-ma i-na É a-wi-lim  
 i-ša-tum  
 in-na-pí-iḥ-ma  
 a-wi-lum  
 55 ša a-na bu-ul-li-im  
 il-li-ku  
 a-na nu-ma-at  
 be-el É  
 i-in-šu iš-ši-ma  
 60 nu-ma-at  
 be-el É  
 il-te-qé(DI)  
 a-wi-lum šu-ú  
 a-na i-ša-tim šu-a-ti  
 65 in-na-ad-di

## (§26)

šum-ma lu AGA.UŠ  
 ù lu ŠU.ḪA  
 ša a-na ḥar-ra-an šar-ri-im  
 a-la-ak-šu  
 X qá-bu-ú  
 la il-li-ik  
 ù lu LÚ.ḪUN.GÁ  
 i-gur-ma  
 5 pu-úḥ-šu  
 iṭ-ṭa-ra-ad

lu AGA.UŠ  
 ù lu ŠU.ĤA šu-ú  
 id-da-ak  
 10 mu-na-ag-gi-ir-šu  
 É-sú  
 i-tab-ba-al

## (§27)

šum-ma lu AGA.UŠ  
 ù lu-ú ŠU.ĤA  
 15 ša i-na dan-na-at  
 šar-ri-im  
 ʽtu-úr-ruʽ  
 wa-ar-[k]i-šu  
 A.ŠÀ-šu ù <sup>giš</sup>KIRI<sub>6</sub>-šu  
 20 a-na ša-ni-im  
 id-di-nu-ma  
 i-li-ʽikʽ-šu  
 it-ta-la-ak  
 šum-ma i[t]-tu-ra-am-ma  
 25 URU-šu ik-ta-áš-dam  
 A.ŠÀ-šu ù <sup>giš</sup>KIRI<sub>6</sub>-šu  
 ú-ta-ar-ru-šum-ma  
 šu-ma i-li-ik-šu  
 i-il-la-ak

## (§28)

30 šum-ma lu A[G]A.UŠ  
 ù lu-ú ŠU.ĤA  
 ša i-na da[n]-na-at  
 šar-ri-im  
 tu-ú[r]-ru  
 35 DUMU-šu il-kam  
 a-la-kam i-le-i  
 A.ŠÀ ù <sup>giš</sup>KIRI<sub>6</sub>  
 in-na-ad-di-iš-šu[m]-ma  
 i-li-i[k a]-bi-šu  
 40 i-il-[la-a]k

## (§29)

šum-ma DUMU-šu  
 še-ĥe-er-[m]a  
 i-li-ik a-bi-šu  
 a-la-kam  
 45 la i-le-i  
 ša-lu-uš-ti A.ŠÀ ù <sup>giš</sup>KIRI<sub>6</sub>  
 a-na um-mi-šu  
 in-na-a[d]-di-in-ʽmaʽ  
 um-ma-ʽšuʽ  
 50 ú-ra-ab-ba-ʽšuʽ



## (§30)

*šum-ma lu* AGA.U[Š]

ù *lu* ŠU.ḪA

A.ŠĀ-šu <sup>giš</sup>KIRI<sub>6</sub>-š[u] ù É-s[u]

*i-na pa-ni il-ki-im*

55 *id-di-ma*

*ud-da-ap-pi-ir*

*ša-nu-um*

*wa-ar-ki-š[u]*

A.ŠĀ-šu <sup>giš</sup>KIRI<sub>6</sub>-šu

60 ù É-sú

*iš-ba-at-ma*

MU.3.KAM

*i-li-ik-šu*

*it-ta-la-ak*

65 *šum-ma it-tu-ra-am-ma*

A.ŠĀ-šu <sup>giš</sup>KIRI<sub>6</sub>-šu ù É-sú

*i-ir-ri-iš*

*ú-ul in-na-ad-di-iš-šum*

XI

*ša iš-ša-ab-tu-ma*

*i-li-ik-šu*

*it-ta-al-ku*

*šu-ma i-il-la-ak*

## (§31)

5 *šum-ma ša-at-tam*

*iš-ti-a-at-ma*

*ud-da-ap-pi-ir-ma*

*it-tu-ra-am*

A.ŠĀ-šu <sup>giš</sup>KIRI<sub>6</sub>-šu ù É-sú

10 *in-na-ad-di-iš-šum-ma*

*šu-ma i-li-ik-šu*

*i-il-<sup>l</sup>la-ak<sup>l</sup>*

## (§32)

[šum]-*ma lu* AGA.UŠ

ù *lu* ŠU.ḪA

15 *ša i-na ḫar-ra-an*

*šar-ri-im*

*tu-úr-ru*

DAM.GÀR *ip-tú-ra-aš-šu-ma*

URU-šu *uš-ta-ak-ši-da-aš-šu*

20 *šum-ma i-na bi-ti-šu*

*ša pa-ṭa-ri-im*

*i-ba-aš-ši*

*šu-ma ra-ma-an-šu*

*i-pa-aṭ-ṭa-ar*

25 *šum-ma i-na bi-ti-šu*

*ša pa-ṭa-ri-šu*

- la i-ba-aš-ši*  
*i-na É DINGIR URU-šu*  
*ip-pa-aṭ-tár*  
 30 *šum-ma i-na É*  
 DINGIR URU-šu  
*ša pa-ṭa-ri-šu*  
*la i-ba-aš-ši*  
 É.GAL *i-pa-aṭ-ṭa-ar!*(RI)-šu  
 35 A.ŠĀ-šu<sup>giš</sup> KIRI<sub>6</sub>-šu  
*ù É-sú*  
*a-na ip-ṭe<sub>4</sub>-ri-šu*  
*ú-ul in-na-ad-di-in*

**(§33)**

- šum-ma lu PA.PA*  
 40 *ù lu-ú NU.BĀNDA*  
 ÉREN *ni-is-ḥa-tim*  
*ir-ta-ši*  
*ù lu a-na KASKAL*  
*šar-ri-im*  
 45 LÚ.ḤUN.GÁ *pu-ḥa-am*  
*im-ḥu-ur-ma*  
*ir-te-de*  
*lu PA.PA*  
*ù lu NU.BĀNDA šu-ú*  
 50 *id-da-ak*

**(§34)**

- šum-ma lu PA.PA*  
*ù lu NU.BĀNDA*  
*nu-ma-at AGA.UŠ il-te-qé*  
 AGA.UŠ *iḥ-ta-ba-al*  
 55 AGA.UŠ *a-na ig-ri-im*  
*it-ta-di-in*  
 AGA.UŠ *i-na di-nim*  
 「*a-na*」 *dan-nim iš-ta-ra-ak*  
*qí-iš-ti šar-ru-um*  
 60 [a]-na AGA.UŠ *id-di-nu*  
*il-te-qé*(DI)  
*lu PA.PA*  
*ù lu NU.BĀNDA šu-ú*  
*id-da-ak*

**(§35)**

- 65 [š]um-ma *a-wi-lum*  
 ÁB.GU<sub>4</sub>!(BI)<sup>hi-a</sup>  
*ù U<sub>8</sub>.UDU<sup>hi-a</sup>*  
*ša šar-ru-um*

XII 70 *a-na* AGA.UŠ  
*id-di-nu*  
*i-na qá-ti* AGA.UŠ  
*iš-ta-am*  
*i-na* KÛ.BABBAR-šu  
*i-te-el-li*

**(§36)**

5 A.ŠĀ-um <sup>giš</sup>KIRI<sub>6</sub> ù É  
 ša AGA.UŠ ŠU.ḪA  
 ù *na-ši bi-il-tim*  
*a-na* KÛ.BABBAR  
 ú-ul *in!(I)-na-ad-di-in*

**(§37)**

10 *šum-ma a-wi-lum*  
 A.ŠĀ <sup>giš</sup>KIRI<sub>6</sub> ù É  
 ša AGA.UŠ ŠU.ḪA  
 ù *na-ši* ʿGUNʿ  
*iš-ta-ʿamʿ*  
 15 DUB-*pa-šu*  
*ih-ḫe-ep-pé*  
 ù *i-na* KÛ.BABBAR-šu  
*i-te-el-li*  
 A.ŠĀ <sup>giš</sup>KIRI<sub>6</sub> ù É  
 20 *a-na be-lí-šu*  
*i-ta-ar*

**(§38)**

AGA.UŠ ŠU.ḪA  
 ù *na-ši* GUN  
*i-na* A.ŠĀ <sup>giš</sup>KIRI<sub>6</sub> ù É  
 25 *ša il-ki-šu*  
*a-na aš-ša-ti-šu*  
 ù DUMU.MUNUS-šu  
 ú-ul *i-ša-aṭ-ṭa-ar*  
 ù *a-na i-il-ti-šu*  
 30 ú-ul *i-na-ad-di-in*

**(§39)**

*i-na* A.ŠĀ <sup>giš</sup>KIRI<sub>6</sub> ù É  
 ša *i-ša-am-mu-ma*  
*i-ra-aš-šu-ú*  
*a-na aš-ša-ti-šu*  
 35 ù DUMU.MUNUS-šu  
*i-ša-aṭ-ṭár*  
 ù *a-na e-ḫi-il-ti-šu*  
*i-na-ad-di-in*

## (§40)

LUKUR DAM.GÀR

- 40 *ù il-kum a-ḥu-ú-um*  
 A.ŠÀ-šu <sup>giš</sup>KIRI<sub>6</sub>-šu  
*ù É-sú a-na KÛ.BABBAR*  
*i-na-ad-di-in*  
*ša-a-a-ma-nu-um*
- 45 *i-li-ik* A.ŠÀ  
<sup>giš</sup>KIRI<sub>6</sub> *ù É*  
*ša i-ša-am-mu*  
*i-il-la-ak*

## (§41)

*šum-ma a-wi-lum*

- 50 A.ŠÀ <sup>giš</sup>KIRI<sub>6</sub> *ù É*  
*ša AGA.UŠ ŠU.ḤA*  
*ù na-ši bi-il-tim*  
*ú-pí-ih*  
*ù ni-ip-la-tim*
- 55 *id-di-in*  
 AGA.UŠ ŠU.ḤA  
*ù na-ši bi-il-tim*  
*a-na A.ŠÀ-šu <sup>giš</sup>KIRI<sub>6</sub>-šu *ù É-šu*  
*i-ta-ar**
- 60 *ù ni-ip-la-tim*  
*ša in-na-ad-NU-šum*  
*i-tab-ba-al*

## (§42)

*šum-ma a-wi-lum*

- A.ŠÀ *a-na er-re-šu-tim*
- 65 *ú-še-ši-ma*  
*i-na A.ŠÀ ŠE la uš-tab-ši*  
*i-na A.ŠÀ ši-ip-ri-im*
- XIII *la e-pé-ši-im*  
*ú-ka-an-nu-šu-ma*  
 ŠE *ki-ma i-te-šu*  
*a-na be-el* A.ŠÀ
- 5 *i-na-ad-di-in*

## (§43)

*šum-ma A.ŠÀ-am la i-ri-iš-ma*

- it-ta-di*  
 ŠE *ki-ma i-te-šu*  
*a-na be-el* A.ŠÀ
- 10 *i-na-ad-di-in*  
*ù A.ŠÀ ša id-du-ú*  
*ma-a-a-ri*

*i-ma-aḥ-ḥa-aṣ*  
 「*i-ša-ak-ka*」-*ak-ma*  
 15 *a-na be-el* A.ŠÀ  
*ú-ta-ar*

## (§44)

*šum-ma a-wi-lum*  
 A.ŠÀ KI.KAL  
*a-na MU.3.KAM*  
 20 *a-na te-ep-ti-tim*  
*ú-še-ši-ma*  
*a-aḥ-šu id-di-ma*  
 A.ŠÀ *la ip-te-te*  
*i-na re-bu-tim*  
 25 *ša-at-tim*  
 A.ŠÀ *ma-a-a-ri*  
*i-ma-aḥ-ḥa-aṣ*  
*i-mar-ra-ar*  
*ù i-ša-ak-ka-ak-ma*  
 30 *a-na be-el* A.ŠÀ  
*ú-ta-ar*  
*ù 18 IKU.E*  
*10 ŠE.GUR*  
*i-ma-a[d-d]a-ad*

## (§45)

35 *šum-ma a-wi-lum*  
 A.ŠÀ-*šu a-na* GUN  
*a-na er-re-ši-im*  
*id-di-in-ma*  
*ù GUN* 「A.ŠÀ」-*šu*  
 40 *im-ta-ḥa-ar*  
*wa-ar-ka* A.ŠÀ  
<sup>d</sup>ISKUR *ir-ta-ḥi-iṣ*  
*ù lu bi-ib-bu-lum*  
*it-ba-al*  
 45 *bi-ti-iq-tum*  
*ša er-re-ši-im-ma*

## (§46)

*šum-ma* GUN A.ŠÀ-*šu*  
*la im-ta-ḥar*  
*ù lu a-na mi-iš-la-ni*  
 50 *ù lu a-na ša-lu-uš*  
 A.ŠÀ *id-di-in*  
 ŠE *ša i-na* A.ŠÀ  
*ib-ba-aš-šu-ú*  
*er-re-šum*

55 *ù be-el A.ŠÀ*  
*a-na ap-ši-te-em*  
*i-zu-uz-zu*

## (§47)

*šum-ma er-re-šum*  
*aš-šum i-na ša-at-tim*  
 60 *maḥ-ri-tim*  
*ma-na-ḥa-ti-šu*  
*la il-qú!(LU)-ú*  
*A.ŠÀ e-re-ša-am iq-ta-bi*  
*be-el A.ŠÀ*  
 65 *ú-ul ú-up-pa-as*  
*er-re-su-ma*  
*A.ŠÀ-šu i-ir!(NI)-ri-iš-ma*  
*ᵀi-na BURU<sub>14</sub>*  
*ki-ma ri-ik-sa-ti-šu*  
 70 *ŠE i-le-qé*

## (§48)

*šum-ma a-wi-lum*  
*ḥu-bu-ul-lum*  
*e-li-šu*  
 XIV *i-ba-aš-ši-ma*  
*ᵀA.ŠÀ-šu*  
*ᵀIŠKUR*  
*ir-ta-ᵀḥi-iš*  
 5 *ù lu-ú bi-ib-bu-l[u]m*  
*it-ba-al*  
*ù lu-ú i-na la me-e*  
*ŠE i-na A.ŠÀ*  
*la it-tab-ši*  
 10 *i-na ša-at-tim šu-a-ti*  
*ŠE a-na ᵀbe-el ḥu-bu-ul-[li-š]u*  
*ú-ul ú-ta-ar*  
*DUB-pa-šu*  
*ú-ra-at-ṭa-ab*  
 15 *ù ši-ib-tam*  
*ša ša-at-tim šu-a-ti*  
*ú-ul i-na-ad-di-in*

## (§49)

*šum-ma a-wi-lum*  
 KÛ.BABBAR *it-ti DAM.GÀR*  
 20 *il-qé-ma*  
*A.ŠÀ ep-še-tim*  
*ša ŠE ù lu ŠE.GIŠ.Ì*  
*a-na DAM.GÀR id-di-in*

- A.ŠÀ *e-ri-iš-ma*  
 25 ŠE ù *lu-ú* ŠE.GIŠ.Ì  
     *ša ib-ba-aš-šu-ú*  
     *e-si-ip ta-ba-al*  
     *iq-bi-šum*  
     *šum-ma er-re-šum*  
 30 *i-na* A.ŠÀ ŠE  
     ù *lu* ŠE.GIŠ.Ì  
     *uš-tab-šī*  
     *i-na* BURU<sub>14</sub> ŠE ù ŠE.GIŠ.Ì  
     *ša i-na* A.ŠÀ *ib-ba-aš-šu-ú*  
 35 *be-el* A.ŠÀ-*ma*  
     *i-le-qé-ma*  
     ŠE *ša* KÙ.BABBAR-*šu*  
     ù *ši-ba-sú*  
     *ša it-ti* DAM.GÀR  
 40 *il-qú-ú*  
     ù *ma-na-ḥa-at*  
     *e-re-ši-im*  
     *a-na* DAM.GÀR  
     *i-na-ad-di-in*
- (§50)
- 45 *šum-ma* A.ŠÀ <ŠE> *er-ša-am*  
     ù *lu-ú*  
     A.ŠÀ ŠE.GIŠ.Ì  
     *er-ša-<sup>r</sup>am<sup>ṽ</sup> id-di-in*  
     ŠE ù *lu* ŠE.GIŠ.Ì  
 50 *ša i-na* A.ŠÀ  
     *ib-ba-aš-šu-<sup>r</sup>ú<sup>ṽ</sup>*  
     *be-el* A.ŠÀ-*ma*  
     *i-le-qé-ma*  
     KÙ.BABBAR ù *ši-ba-sú*  
 55 *a-na* DAM.GÀR *ú-ta-ar*

## (§51)

- šum-ma* KÙ.BABBAR  
*a-na tu-úr-ri-im*  
*la i-šu*  
 <ŠE ù *lu*> (?) ŠE.GIŠ.Ì  
 60 *a-na ma-ḥi-ra-ti-šu-nu*  
     *ša* KÙ.BABBAR-*šu*  
     ù *ši-ib-ti-šu*  
     *ša it-ti* DAM.GÀR *il-qú-ú*  
     *a-na* KA *ši-im-da-at*  
 65 *šar-ri-im*  
     *a-na* DAM.GÀR *i-na-ad-di-in*

- (§52)  
 XV *šum-ma er-re-šum*  
*i-na A.ŠÀ ŠE-am*  
*ù lu ŠE.GIŠ.Ì*  
*la uš-tab-ši*  
 5 *ri-ik-sa-ti-šu*  
*ú-ul [i]-in-ni*
- (§53)  
 10 *šum-m[a a]-wi-lum*  
*a-n[a KAR A.ŠÀ]-šu*  
*du-u[n-nu-n]im*  
 10 *a-aḥ-šu i[d-di-m]a*  
 KAR-[*šu*]  
*la ú-da[n-ni-in-ma]*  
*i-na KA[R-šu]*  
*pí-tum it-t[e-ep-te]*  
 15 *ù A.GÀR me-e uš-ta-bíl*  
*a-wi-lum*  
*ša i-na KAR-šu*  
*pí-tum ip-pé-tu-ú*  
 ŠE *ša ú-ḥal-li-qú*  
 20 *i-ri-a-ab*
- (§54)  
*šum-ma ŠE ri-a-ba-am*  
*la i-le-i*  
*šu-a-ti*  
*ù bi-ša-šu*  
 25 *a-na KÛ.BABBAR*  
*i-na-ad-dí-nu-ma*  
 DUMU A.GÀR<sup>meš</sup>  
*ša ŠE-šu-nu*  
*mu-ú ub-lu*  
 30 *i-zu-uz-zu*
- (§55)  
*šum-ma a-wi-lum*  
*a-tap-pa-šu*  
*a-na ši-qí-tim ip-te*  
*a-aḥ-šu id-di-ma*  
 35 A.ŠÀ *i-te-šu*  
*me-e uš-ta-bíl*  
 ŠE *ki-ma i-te-šu*  
*i-ma-ad-da-ad*



## (§56)

- šum-ma a-wi-lum*  
 40 *me-e ip-te-ma*  
*ep-še-tim ša A.ŠÀ i-te-šu*  
*me-e uš-ta-bíl*  
 18 IKU.E  
 10 ŠE.GUR  
 45 *i-ma-ad-da-ad*

## (§57)

- šum-ma SIPA*  
*a-na ša-am-mi*  
 U<sub>8</sub>.UDU<sup>hi-a</sup> *šu-ku-lim*  
*it-ti be-el A.ŠÀ*  
 50 *la im-ta-gàr-ma*  
*ba-lum be-el A.ŠÀ*  
 A.ŠÀ U<sub>8</sub>.UDU<sup>hi-a</sup>  
*uš-ta-ki-il*  
*be-el A.ŠÀ A.ŠÀ-šu*  
 55 *i-iš-ši-id*  
 SIPA *ša i-na ba-lum*  
*be-el A.ŠÀ*  
 A.ŠÀ U<sub>8</sub>.UDU<sup>hi-a</sup>  
*ú-ša-ki-lu*  
 60 *e-le-nu-um-ma*  
 18 IKU.E  
 20 ŠE.GUR  
*a-na be-el A.ŠÀ*  
*i-na-ad-di-in*

## (§58)

- 65 *šum-ma iš-tu U<sub>8</sub>.UDU<sup>hi-a</sup>*  
*i-na A.GÀR*  
*i-te-li-a-nim*  
*ka-an-nu ga-ma-ar-tim*  
*i-na KÁ.GAL*  
 70 *it-ta-aḥ-la-lu*  
 SIPA U<sub>8</sub>.UDU<sup>hi-a</sup>  
*a-na A.ŠÀ id-di-ma*  
 A.ŠÀ U<sub>8</sub>.UDU<sup>hi-a</sup>  
*uš-ta-ki-il*  
 75 SIPA A.ŠÀ *ú-ša-ki-lu*  
*i-na-ša-ar-ma*  
*i-na BURU<sub>14</sub>*  
 18 IKU.E  
 XVI 60 ŠE.GUR  
*a-na be-el A.ŠÀ*  
*i-ma-ad-da-ad*

**(§59)**

- šum-ma a-wi-lum*  
 5 *ba-lum be-el* <sup>giš</sup>KIRI<sub>6</sub>  
*i-na* <sup>giš</sup>KIRI<sub>6</sub> *a-wi-lim*  
*i-ša-am ik-ki-is*  
 1/2 MA.NA KÛ.BABBAR  
*i-ša-qal*

**(§60)**

- 10 *šum-ma a-wi-lum*  
 A.ŠÀ *a-na* <sup>giš</sup>KIRI<sub>6</sub> [*z*] *a-qá-pí-im*  
 [*a-n*] *a* NU.<sup>gišr</sup>KIRI<sub>6</sub> *id-di<sup>7</sup>-in*  
 NU.<sup>giš</sup>KIRI<sub>6</sub>  
<sup>giš</sup>KIRI<sub>6</sub> *iz-qú-up*  
 15 MU.4.KAM  
<sup>giš</sup>KIRI<sub>6</sub> *ú-ra-ab-ba*  
*i-na ha-mu-uš-tim*  
*ša-at-tim*  
*be-el* <sup>giš</sup>KIRI<sub>6</sub>  
 20 *ù* NU.<sup>giš</sup>KIRI<sub>6</sub>  
*mi-it-ha-ri-iš*  
*i-zu-zu*  
*be-el* <sup>giš</sup>KIRI<sub>6</sub>  
 HA.LA-š*u*  
 25 *i-na-sà-aq-ma*  
*i-le-qé*

**(§61)**

- šum-ma* NU.<sup>giš</sup>KIRI<sub>6</sub>  
 A.ŠÀ *i-na za-qá-pí-im*  
*la ig-mur-ma*  
 30 *ni-di-tam i-zi-ib*  
*ni-di-tam*  
*a-na li-ib-bi* HA.LA-š*u*  
*i-ša-ka-nu-šum*

**(§62)**

- šum-ma* A.ŠÀ  
 35 *ša in-na-ad-nu-šum*  
*a-na* <sup>giš</sup>KIRI<sub>6</sub> *la iz-qú-up*  
*šum-ma* AB.SÍN  
 GUN A.ŠÀ  
*ša ša-na-tim*  
 40 *ša in-na-du-ú*  
 NU.<sup>giš</sup>KIRI<sub>6</sub>  
*a-na be-el* A.ŠÀ  
*ki-ma i-te-š*u**  
*i-ma-ad-da-ad*

45 ù A.ŠÀ *ši-ip-ra-am*  
*i-ip-pé-eš-ma*  
*a-na be-el A.ŠÀ ú-ta-a-ar*

**(§63)**

*šum-ma A.ŠÀ KI.KAL*  
A.ŠÀ *ši-ip-ra-am*  
50 *i-ip-pé-eš-ma*  
*a-na!(ŠÀ) be-el A.ŠÀ*  
*ú-ta-a-ar*  
ù 18 IKU.E  
10 ŠE.GUR  
55 *ša ša-at-tim*  
*iš-ti-a-at*  
*i-ma-ad-da-ad*

**(§64)**

*šum-ma a-wi-lum*  
<sup>giš</sup>KIRI<sub>6</sub>-*šu*  
60 *a-na NU.<sup>giš</sup>KIRI<sub>6</sub>*  
*a-na ru-ku-bi-im*  
*id-di-in*  
NU.<sup>giš</sup>KIRI<sub>6</sub>  
*a-di <sup>giš</sup>KIRI<sub>6</sub> ša-ab-tu*  
65 *i-na bi-la-at <sup>giš</sup>ṚKIRI<sub>6</sub><sup>7</sup>*  
*ši-it-ti-in*  
*a-na be-el <sup>giš</sup>KIRI<sub>6</sub>*  
*i-na-ad-di-in*  
*ša-lu-uš-tam*  
70 *šu-ú i-le-qé*

**(§65)**

*šum-ma NU.<sup>giš</sup>KIRI<sub>6</sub>*  
<sup>giš</sup>KIRI<sub>6</sub> *la ú-ra-ak-ki-ib-ma*  
*bi-il-tam um-ta-ti*  
NU.<sup>giš</sup>KIRI<sub>6</sub>  
75 *bi-la-at <sup>giš</sup>KIRI<sub>6</sub>*  
*a-na <be-el <sup>giš</sup>KIRI<sub>6</sub> ki-ma> i-te-šu*  
XVII [*i-ma-ad-da-ad*]  
(Lücke von 7 Kolumnen)

**(§100)**

I r *ši-ba-a-at KÙ.BABBAR*  
*ma-la il-qú-ú*  
*i-sa-ad-dar-ma*  
*u<sub>4</sub>-mi-šu*  
5 *i-ma-an-nu-ú-ma*  
DAM.GÀR-*šu*  
*i-ip-pa-al*

**(§101)**

- šum-ma a-šar il-li-ku*  
*ne-me-lam*  
 10 *la i-ta-mar*  
 KÛ.BABBAR *il-qú-ú*  
*uš-ta-ša-na-ma*  
 ŠÁMAN.LÁ *a-na* DAM.GÀR  
*i-na-ad-di-in*

**(§102)**

- 15 *šum-ma* DAM.GÀR  
*a-na* ŠÁMAN.LÁ  
 KÛ.BABBAR *a-na ta-ad-mi-iq-tim*  
*it-ta-di-in-ma*  
*a-šar il-li-ku*  
 20 *bi-ti-iq-tam*  
*i-ta-mar*  
*qá-qá-ad* KÛ.BABBAR  
*a-na* DAM.GÀR *ú-ta-ar*

**(§103)**

- 25 *šum-ma har-ra-nam*  
*i-na a-la-ki-šu*  
*na-ak-ru-um*  
*mi-im-ma ša na-šu-ú*  
*uš-ta-ad-di-šu*  
 ŠÁMAN.LÁ *ni-iš i-lim*  
 30 *i-za-kar-ma*  
*ú-ta-aš-šar*

**(§104)**

- šum-ma* DAM.GÀR  
*a-na* ŠÁMAN.LÁ  
 ŠE SIKI Ì.GIŠ  
 35 *ù mi-im-ma bi-ša-am*  
*a-na pa-ša-ri-im*  
*id-di-in*  
 ŠÁMAN.LÁ KÛ.BABBAR  
*i-sa-ad-dar-ma*  
 40 *a-na* DAM.GÀR  
*ú-ta-ar*  
 ŠÁMAN.LÁ *ka-ni-ik* KÛ.BABBAR  
*ša a-na* DAM.GÀR  
*i-na-ad-di-nu*  
 45 *i-le-qé*

**(§105)**

*šum-ma ŠÁMAN.LÁ*  
*i-te-gi-ma*  
*ka-ni-ik KÛ.BABBAR*  
*ša a-na DAM.GÀR*  
 50 *id-di-nu*  
*la il-te-qé*  
 KÛ.BABBAR *la ka-ni-ki-im*  
*a-na ni-ik-ka-as-sí-im*  
*ú-ul iš-ša-ak-ka-an*

**(§106)**

55 *šum-ma ŠÁMAN.LÁ*  
 KÛ.BABBAR *it-ti DAM.GÀR*  
*il-qé-ma*  
 DAM.GÀR-*šu*  
*it-ta-ki-ir*  
 60 DAM.GÀR *šu-ú*  
*i-na ma-ḥar i-lim ù ši-bi*  
*i-na KÛ.BABBAR le-qé-em*  
 ŠÁMAN.LÁ *ú-ka-an-ma*  
 ŠÁMAN.LÁ KÛ.BABBAR  
 65 *ma-la il-qú-ú*  
 A.RÁ 3-*šu a-na DAM.GÀR*  
*i-na-ad-di-in*

**(§107)**

*šum-ma DAM.GÀR [KÛ.BABBAR]*  
 ŠÁMAN.LÁ *i-qí-ip-ma*  
 70 ŠÁMAN.LÁ *mi-im-ma*  
*ša DAM.GÀR id-di-nu-šum*  
*a-na DAM.GÀR-šu*  
 II r *ut-te-er*  
 DAM.GÀR *mi-im-ma*  
*ša ŠÁMAN.LÁ*  
*id-di-nu-šum*  
 5 *it-ta-ki-ir-šu*  
 ŠÁMAN.LÁ *šu-ú*  
*i-na ma-ḥar i-lim ù ši-bi*  
 DAM.GÀR *ú-ka-an-ma*  
 DAM.GÀR *aš-šum ŠÁMAN.LÁ-šu*  
 10 *ik-ki-ru*  
*mi-im-ma ša il-qú-ú*  
 A.RÁ 6-*šu*  
*a-na ŠÁMAN.LÁ*  
*i-na-ad-di-in*

## (§108)

- 15 *šum-ma* MUNUS.KURUN.NA  
*a-na* ŠÁ[M] KAŠ  
 ŠE *la im-ta-ḥar*  
*i-na* NA<sub>4</sub> *ra-bi-tim*  
 KÛ.BABBAR *im-ta-ḥar*
- 20 *ù* KI.LAM KAŠ  
*a-na* KI.LAM ŠE *um-ta-ti*  
 MUNUS.KURUN.NA *šu-a-ti*  
*ú-ka-an-nu-ši-ma*  
*a-na* ʿ*me*ʿ-*e*
- 25 *i-n*[*a-ad-d*]*u-ú-ši*

## (§109)

- šu*[*m-m*]*a* MUNUS.KURUN.NA  
*sà-ar-ru-tum*  
*i-na* É-*ša*  
*it-tar-ka-ʿsú*ʿ-*ma*
- 30 *sà-ar-ru-tim* *šu-nu-ti*  
*la iṣ-ša-ab-tam-ma*  
*a-na* É.GAL  
*la ir-de-a-am*  
 MUNUS.KURUN.NA *ši-i*
- 35 *id-da-ak*

## (§110)

- š*[*u*]*m-ma* LUKUR NIN.DINGIR  
*ša i-na* GÁ.GI<sub>4</sub>.A  
*la wa-aš-ba-at*  
 É.KURUN.NA *ip-te-te*
- 40 *ù lu a-na* KAŠ  
*a-na* É.KURUN.NA  
*i-te-ru-ub*  
*a-wi-il-tam* *šu-a-ti*  
*i-qal-lu-ú-ši*

## (§111)

- 45 *šum-ma* MUNUS.KURUN.NA  
 1 KAŠ.Ú.SA.KA.GAG!(NI)  
*a-na qí*!(DI)-*ip-tim id-di-in*  
*i-na* BURU<sub>14</sub>  
 0.0.5 ŠE *i-le-qé*

## (§112)

- 50 *šum-ma a-wi-lum*  
*i-na ḥar-ra-nim*  
*wa-ši-ib-ma*

- KÛ.BABBAR KÛ.GI NA<sub>4</sub>  
 ù *bi-iš qá-ti-šu*  
 55 *a-na a-wi-lim*  
*id-di-in-ma*  
*a-na ši-bu-ul-tim*  
*ú-ša-bíl-šu*  
*a-wi-lum šu-ú*  
 60 *mi-im-ma ša šu-bu-lu*  
*a-šar šu-bu-lu*  
*la id-<di>-in-ma*  
*it-ba-al*  
*be-el ši-bu-ul-tim*  
 65 *a-wi-lam šu-a-ti*  
*i-na mi-im-ma*  
*ša šu-bu-lu-ma*  
*la id-di-nu*  
*ú-ka-an-<<nu->>šu-ma*  
 70 *a-wi-lum šu-ú*  
 A.RÁ 5-šu *mi-im-ma*  
*ša in-na-ad-nu-šum*  
*a-na be-el ši-bu-ul-tim*  
*i-na-ad-di-in*
- (§113)  
 75 *šum-ma a-wi-lum*  
*e-li a-wi-lim*  
 III r ŠE ʾùʾ KÛ.BABBAR *i-šu-ma*  
*i-na ba-lum be-el ŠE*  
*i-na na-aš-pa-ki-im*  
*ù lu i-na ma-aš-ka-nim*  
 5 ŠE *il-te-qé*  
*a-wi-lam šu-a-ti*  
*i-na ba-lum be-el ŠE*  
*i-na na-aš-pa-ki-im*  
 ʾùʾ *lu i-na KISLAḪ*  
 10 ʾi-naʾ ŠE *le-qé-em*  
*ú-ka-an-nu-šu-ma*  
 ŠE *ma-la il-ʾqúʾ-ú*  
*ú-ta-ar*  
*ù i-na mi-im-ma šum-šu*  
 15 *ma-la id-di-nu*  
*i-te-el-li*
- (§114)  
*šum-ma a-wi-lum*  
*e-li a-wi-lim*  
 ŠE ù KÛ.BABBAR  
 20 *la i-šu-ma*  
*ni-pu-sú it-te-pé*

*a-na ni-pu-tim*  
*iš-ti-a-at*  
 1/3 MA.NA KÛ.BABBAR  
 25 *i-ša-qal*

**(§115)**

*šum-ma a-wi-lum*  
*e-li a-wi-lim*  
 ŠE ù KÛ.BABBAR  
*i-šu-ma*  
 30 *ni-pu-sú ip-pé-ma*  
*ni-pu-tum*  
*i-na É ne-pí-ša*  
*i-na ši-ma-ti-ša*  
*im-tu-ut*  
 35 *di-nu-um šu-ú*  
*ru-gu-um-ma-am*  
*ú-ul i-šu*

**(§116)**

*šum-ma ni-pu-tum*  
*i-na É ne-pí-ša*  
 40 *i-na ma-ḥa-ší-im*  
*ù lu i-na uš-šu-ši-im*  
*im-tu-ut*  
*be-el ni-pu-tim*  
 DAM.GÀR-šu  
 45 *ú-ka-an-ma*  
*šum-ma DUMU a-wi-lim*  
*DUMU-šu i-du-uk-ku*  
*šum-ma ʾIRʾ a-wi-lim*  
 1/3 MA.NA KÛ.BABBAR  
 50 *i-ša-qal*  
*ù i-na mi-im-ma šum-šu*  
*ma-la id-di-nu*  
*i-te-el-li*

**(§117)**

*šum-ma a-wi-lam*  
 55 *e-ḥi-il-tum*  
*iš-ba-sú-ma*  
 DAM-sú DUMU-šu ù DUMU.MUNUS-sú  
*a-na KÛ.BABBAR id-di-in*  
*ù lu a-na ki-iš-ša-a-tim*  
 60 *it-ta-an-di-in*  
 MU.3.KAM  
*É ša-a-a-ma-ni-šu-nu*  
*ù ka-ši-ši-šu-nu*



65 *i-ip-pé-šu i-na re-bu-tim*  
*ša-at-tim*  
*an-du-ra-ar-šu-nu*  
*iš-ša-ak-ka-an*

(§118)

*šum-ma ÌR ù lu GÉME*  
*a-na ki-iš-ša-tim*  
 70 *it-ta-an-di-in*  
 DAM.GÀR *ú-še-te-eq*  
*a-na KÛ.BABBAR i-na-ad-din*  
*ú-ul ib-ba-qar*

(§119)

*šum-ma a-wi-lam*  
 75 *e-ḫi-il-tum*  
*iš-ba-sú-ma*  
 GÉME-sú ša DUMU<sup>meš</sup> *ul-du-šum*  
*a-na KÛ.BABBAR it-ta-din*  
 IV r KÛ.BABBAR DAM.GÀR *iš-qú-lu*  
*be-el GÉ[M]E i-ša-qal-m[a]*  
 GÉME-s[ú] *i-pa-tá[r]*

(§120)

*šum-ma a-wi-lum*  
 5 ŠE-<sup>r</sup>šú<sup>r</sup> *a-na na-aš-pa-ku-tim*  
*i-na É a-wi-LUM*  
*iš-pu-uk-ma*  
*i-na qá-ri-tim*  
*i-ib-bu-ú-um it-tab-ši*  
 10 *ù lu be-el É*  
*na-aš-pa-kam ip-te-ma*  
 ŠE *il-qé*  
*ù lu ŠE ša i-na É-šu*  
*iš-ša-ap-ku*  
 15 *a-na ga-<sup>r</sup>am<sup>r</sup>-ri-im*  
*it-ta-ki-ir*  
*be-el ŠE ma-ḫar i-lim*  
 ŠE-šu *ú-ba-ar-ma*  
*be-el É*  
 20 ŠE *ša il-qú!(LU)-ú*  
*uš-ta-ša-na-ma*  
*a-na be-el ŠE*  
*i-na-ad-di-in*

(§121)

*šum-ma a-wi-lum*

- 25 *i-na É a-wi-lim*  
 ŠE *iš-pu-uk*  
*i-na ša-na-at*  
*a-na 1.0.0 ŠE.GUR.E 5 SÌLA ŠE*  
 Á *na-aš-pa-ki-im*  
 30 *i-na-ad-di-in*

**(§122)**

- šum-ma a-wi-lum*  
*a-na a-wi-lim*  
 KÛ.BABBAR KÛ.GI  
 ù *mi-im-ma šum-šu*  
 35 *a-na ma-ša-ru-tim*  
*i-na-ad-di-in*  
*mi-im-ma ma-la*  
*i-na-ad-di-nu*  
*ši-bi ú-kál-lam*  
 40 *ri-ik-sa-tim*  
*i-ša-ak-ka-an-ma*  
*a-na ma-ša-ru-tim*  
*i-na-ad-di-in*

**(§123)**

- šum-ma ba-lum ši-bi*  
 45 *ù ri-ik-sa-tim*  
*a-na ma-ša-ru-tim*  
*id-di-in-ma*  
*a-šar id-di-nu*  
*it-ta-ak-ru-šu*  
 50 *di-nu-um šu-ú*  
*ru-gu-um-ma-am*  
*ú-ul i-šu*

**(§124)**

- šum-ma a-wi-lum*  
*a-na a-wi-lim*  
 55 KÛ.BABBAR KÛ.GI  
 ù *mi-im-ma šum-šu*  
*ma-ḥar ši-bi*  
*a-na ma-ša-ru-tim*  
*id-di-in-ma*  
 60 *it-ta-ki-ir-šu*  
*a-wi-lam šu-a-ti*  
*ú-ka-an-nu-šu-ma*  
*mi-im-ma ša ik-ki-ru*  
*uš-ta-ša-na-ma*  
 65 *i-na-ad-di-in*

## (§125)

šum-ma a-wi-lum  
 mi-im-ma-šu  
 a-na ma-ša-ru-tim id-di-in-ma  
 a-šar id-di-nu

- 70 ù lu i-na pí-il-ši-im  
 71/2 ù lu i-na na-ba-al-ka-at-tim  
 73 mi-im-mu-šu  
 it-ti mi-im-me-e  
 75 be-el É ih-ta-li-iq be-el É ša i-gu-ma  
 mi-im-ma ša a-na  
 ma-ša-ru-tim id-di-nu-šum-ma  
 ú-ḫal-li-qú  
 ú-ša-lam-ma  
 V r a-na be-el NÍG.GA  
 i-ri-a-ab  
 be-el É  
 mi-im-ma-šu ḫal-qá-am  
 5 [i]š-te-ne-i-ma  
 [it]-ti šar-ra-ṽqá-ṽni-šu  
 i-[l]e-qé

## (§126)

šum-m[a a]-wi-lum  
 mi-im-[m]u-šu  
 10 la ḫa-li-[iq-m]a  
 mi-im-[me-e]  
 ḫa-li-[iq] iq-ta-ṽbiṽ  
 ba-ab-ta-šu  
 ú-te-eb-bi-ir

- 15 ki-ma mi-im-mu-šu  
 ṽlaṽ ḫal-qú  
 ba-ab-ta-šu  
 i-na ma-ḫar i-lim  
 ú-ba-ar-šu-ma  
 20 mi-im-ma  
 ša ir-gu-mu  
 uš-ta-ša-na-ma  
 a-na ba-ab-ti-ṽšuṽ  
 i-na-ad-di-in

## (§127)

- 25 šum-m[a] a-wi-lum  
 e-li NIN.DINGIR  
 ù aš-ša-at a-wi-lim  
 ú-ba-nam ú-ša-at-ri-iṽ-ma  
 la uk-ti-in  
 30 a-wi-lam šu-a-ti  
 ma-ḫar da-a-a-ni

*i-na-ad-du-ú-šu*  
*ù mu-ut-ta-[s]ú*  
*ú-gal-la-bu*

## (§128)

- 35 *šum-ma a-wi-lum*  
*aš-ša-tam*  
*i-ḥu-uz-ma*  
*ri-ik-sa-ti-ša*  
*la iš-ku-un*  
 40 MUNUS *ši-i*  
*ú-ul aš-ša-at*

## (§129)

- šum-ma aš-ša-at a-wi-lim*  
*ṛit-ti zi-ka-ri-im*  
*ša-ni-im*  
 45 *i-na i-tu-lim*  
*it-ta-aš-bat*  
*i-ka-sú-šu-nu-ti-ma*  
*a-na me-e*  
*i-na-ad-du-ú-šu-nu-ti*  
 50 *šum-ma be-el aš-ša-tim*  
*aš-ša-sú ú-ba-la-aṭ*  
*ù šar-ru-um*  
*ìR-sú ú-ba-la-aṭ*

## (§130)

- šum-ma a-wi-lum*  
 55 *aš-ša-at a-wi-lim*  
*ša zi-ka-ra-am*  
*la i-du-ú-ma*  
*i-na É a-bi-ša*  
*wa-aš-ba-at*  
 60 *ú-kab-bíl-ši-ma*  
*i-na su-ni-ša*  
*it-ta-ti-il-ma*  
*iṣ-ša-ab-tu-šu*  
*a-wi-lum šu-ú*  
 65 *id-da-ak*  
 MUNUS *ši-i*  
*ú-ta-aš-šar*

## (§131)

- šum-ma a[š]-ša-at*  
*a-wi-lim*  
 70 *mu-sà ú-ub-bi-ir-ši-ma*

*it-ti zi-ka-ri-im ša-ni-im*  
*i-na ú-tu-lim*  
*la iš-ša-bi-it*  
*ni-iš i-lim*  
 75 *i-za-kar-ma*  
*a-na É-ša i-ta-ar*

**(§132)**

*šum-ma aš-ša-at*  
*a-wi-lim*  
 80 *aš-šum zi-ka-ri-im ša-ni-im*  
*ú-ba-nu-um*  
*e-li-ša*  
 VI r *it-ta-ri-iš-ma*  
*it-ti zi-ka-ri-im*  
*ša-ni-im*  
*i-na ú-tu-lim*  
*la it-ta-aš-ba-at*  
*a-na mu-ti-ša*  
 5 <sup>d</sup>I<sub>7</sub>  
*i-ša-al-li*

**(§133)**

*šum-ma a-wi-lum*  
*iš-ša-li-il-ma*  
*i-na É-šu*  
 10 *ša a-ka-lim*  
*[i]-ba-aš-ši*  
*[aš-š]a-sú*  
*[a-di mu?]-sà [ša-ab-t]u (?)*  
*[pa-gàr-š]a*  
 15 *[i-na-ša-a]r*  
*[a-na É ša-ni-i]m*  
*[ú-ul i-ir]-<sup>⌈</sup>ru<sup>⌋</sup>-ub*

**(§133b)**

*š[um-m]a MUNUS š*i*-i*  
*[pa]-g[à]r-ša*  
 20 *la iš-šur-ma*  
*a-na É ša-ni-im*  
*i-te-ru-ub*  
 MUNUS *šu-a-ti*  
*ú-ka-an-nu-ši-ma*  
 25 *a-na me-e*  
*i-na-<sup>⌈</sup>ad<sup>⌋</sup>-du-ú-ši*

## (§134)

- šum-ma a-wi-lum*  
*iš-ša-li-il-ma*  
*i-na É-šu*  
 30 *ša a-ka-li-im*  
*la i-ba-aš-ši*  
*aš-ša-sú*  
*a-na É ša-ni-im*  
*i-ir-ru-ub*  
 35 MUNUS *ši-i*  
*ar-nam ú-ul i-šu*

## (§135)

- šum-ma a-wi-lum*  
*iš-ša-li-il-ma*  
*i-na É-šu*  
 40 *ša a-ka-li-im*  
*la i-ba-aš-ši*  
*a-na pa-ni-šu*  
*aš-ša-sú*  
*a-na É ša-ni-im*  
 45 *i-te-ru-ub-ma*  
 DUMU<sup>meš</sup> *it-ta-la-ad*  
*i-na wa-ar-ka*  
*mu-sà it-tu-ra-am-ma*  
 URU-*šu*  
 50 *ik-ta-áš-dam*  
 MUNUS *ši-i*  
*a-na ḥa-wi-ri-ša*  
*i-ta-ar*  
 DUMU<sup>meš</sup> *wa-ar-ki*  
 55 *a-bi-šu-nu*  
*i-il-la-ku*

## (§136)

- šum-ma a-wi-lum*  
 URU-*šu id-di-ma*  
*it-ta-bi-it*  
 60 *wa-ar-ki-šu*  
*aš-ša-sú*  
*a-na É ša-ni-im*  
*i-te-ru-ub*  
*šum-ma a-wi-lum šu-ú*  
 65 *it-tu-ra-am-ma*  
*aš-ša-sú*  
*iṣ-ša-ba-at*  
*aš-šum URU-šu*  
*i-ze-ru-ma*  
 70 *in-na-bi-tu*

*aš-ša-at mu-na-ab-tim*  
*a-na mu-ti-ša*  
*ú-ul i-ta-ar*

**(§137)**

- 75 *šum-ma a-wi-lum*  
*a-na<sup>f</sup> šu-gi<sub>4</sub>-tim*  
*ša DUMU<sup>meš</sup> ul-du-šum ù lu LUKUR ša DUMU<sup>meš</sup>*  
*ú-šar-šu-šu*  
*e-zé-bi-im*  
*pa-ni-šu*
- 80 *iš-ta-ka-an*  
*a-na MUNUS šu-a-ti*  
*še-ri-ik-ta-ša*  
*ú-ta-ar-ru-ši-im*  
*ù mu-ut-ta-at*
- VII r 85 *A.ŠĀ<sup>giš</sup> KIRI<sub>6</sub> ù bi-ši-im*  
*i-na-ad-di-nu-ši-im-ma*  
*DUMU<sup>meš</sup>-ša*  
*ú-ra-ab-ba*  
*iš-tu DUMU<sup>meš</sup>-ša*
- 5 *úr-ta-ab-bu-ú*  
*i-na mi-im-ma*  
*ša a-na DUMU<sup>meš</sup>-ša*  
*in-na-ad-nu*  
*zí-it-tam*
- 10 *ki-ma ap-lim iš-te-en*  
*i-na-ad-di-nu-ši-im-ma*  
*mu-tu li-ib-bi-ša*  
*i-ih-ḥa-as-sí*

**(§138)**

- 15 *šum-ma a-wi-lum*  
*ḥi-ir-ta-šu*  
*ša DUMU<sup>meš</sup> la ul-du-šum*  
*i-iz-zi-ib*  
*KÛ.BABBAR ma-la*  
*ter-ḥa-ti-ša*
- 20 *i-na-ad-di-iš-ši-im*  
*ù še-ri-ik-tam*  
*ša iš-tu É a-bi-ša ub-lam*  
*ú-ša-lam-ši-im-ma*  
*i-iz-zi-ib-ši*

**(§139)**

- 25 *šum-ma ter-ḥa-tum*  
*la i-ba-aš-ši*  
*1 MA.NA KÛ.BABBAR*  
*a-na ú-zu-ub-bé-em*  
*i-na-ad-di-iš-ši-im*

## (§140)

- 30 *šum-ma* MAŠ.EN.GAG(NI)  
1/3 MA.NA KÙ.BABBAR  
*i-na-ad-di-iš-ši-im*

## (§141)

- šum-ma aš-ša-at a-wi-lim*  
*ša i-na É a-wi-lim*
- 35 *wa-aš-ba-at*  
*a-na wa-še-em*  
*pa-ni-ša*  
*iš-ta-ka-an-ma*  
*sí-ki-il-tam*
- 40 *i-sà-ak-ki-il*  
*É-sà ú-sà-ap-pa-aḥ*  
*mu-sà ú-ša-am-ṭa*  
*ú-ka-an-nu-ši-ma*  
*šum-ma mu-sà*
- 45 *e-zé-eb-ša*  
*iq-ṛta<sup>7</sup>-bi*  
*i-iz-zi-ib-ši*  
*ḥa-ra-an-ša*  
*ú-zu-ub-bu-ša*
- 50 *mi-im-ma*  
*ú-ul in-na-ad-di-iš-ši-im*  
*šum-ma mu-sà*  
*la e-zé-eb-ša iq-ta-bi*  
*mu-sà MUNUS ša-ni-tam*
- 55 *i-ih-ḥa-az*  
MUNUS *ši-i*  
*ki-ma GÉME*  
*i-na É mu-ti-ša*  
*uš-ša-ab*

## (§142)

- 60 *šum-ma* MUNUS *mu-sà i-ze-er-ma*  
*ú-ul ta-aḥ-ḥa-za-an-ni*  
*iq-ta-bi*  
*wa-ar-ka-sà*  
*i-na ba-ab-ti-ša*
- 65 *ip-pa-ar-ra-ás-ma*

## (§143)

- šum-ma na-aṣ-ra-at-ma*  
*ḥi-ṭi-tam*  
*la i-šu*  
*ù mu-sa<sub>6</sub>*
- 70 *wa-ši-ma*



*ma-ga-al*  
*ú-ša-am-ṭa-ši*  
 MUNUS *ši-i*  
 VIII r *ar-nam ú-ul i-šu*  
*še-ri-ik-ta-ša*  
*i-le-qé-ma*  
*a-na É a-bi-ša*  
 5 *it-ta-al-la-ak*  
*šum-ma la na-aṣ-ra-at-ma*  
*wa-ší-a-at*  
*bi-sà ú-sà-ap-pa-aḥ*  
*mu-sà ú-ša-am-ṭa*  
 10 MUNUS *šu-a-ti*  
*a-na me-e*  
*i-na-ad-du-ú-ši*

**(§144)**

*šum-ma a-wi-lum*  
 LUKUR *i-ḥu-uz-ma*  
 15 LUKUR *ši-i*  
 GÉME *a-na mu-ti-ša*  
*id-di-in-ma*  
 DUMU<sup>meš</sup> *uš-tab-ši*  
*a-wi-lum šu-ú*  
 20 *a-na<sup>f</sup> šu-gi<sub>4</sub>-tim*  
*a-ḥa-zi-im*  
*pa-ni-šu*  
*iš-ta-ka-an*  
*a-wi-lam šu-a-ti*  
 25 *ú-ul i-ma-ag-ga-ru-šu*  
<sup>f</sup>*šu-gi<sub>4</sub>-tam*  
*ú-ul i-iḥ-ḥa-az*

**(§145)**

*šum-ma a-wi-lum*  
 LUKUR *i-ḥu-uz-ma*  
 30 DUMU<sup>meš</sup> *la ú-šar-ši-šu-ma*  
<sup>f</sup>*a-na šu-gi<sub>4</sub>-tim*  
*a-ḥa-zi-im*  
*pa-ni-šu*  
*iš-ta-ka-an*  
 35 *a-wi-lum šu-ú*  
<sup>f</sup>*šu-gi<sub>4</sub>-tam*  
*i-iḥ-ḥa-az*  
*a-na É-šu*  
*ú-še-er-re-eb-ši*  
 40 <sup>f</sup>*šu-gi<sub>4</sub>-tum ši-i*  
*it-ti* LUKUR  
*ú-ul uš-ta-ma-aḥ-ḥa-ar*

## (§146)

- šum-ma a-wi-lum*  
 LUKUR *i-ḫu-uz-ma*  
 45 GÉME *a-na mu-ti-ša*  
*id-di-in-ma*  
 DUMU<sup>meš</sup> *it-ta-la-ad*  
*wa-ar-ka-nu-um*  
 GÉME *ši-i*  
 50 *it-ti be-el-ti-ša*  
*uš-ta-tam-ḫi-ir*  
*aš-šum DUMU<sup>meš</sup> ul-du*  
*be-le-sà*  
*a-na KÛ.BABBAR*  
 55 *ú-ul i-na-ad-di-iš-ši*  
*ab-bu-ut-tam*  
*i-ša-ak-ka-an-ši-ma*  
*it-ti GÉME<sup>hi-a</sup>*  
*i-ma-an-nu-ši*

## (§147)

- 60 *šum-ma DUMU<sup>meš</sup>*  
*la ú-li-id*  
*be-le-sà*  
*a-na KÛ.BABBAR*  
*i-na-ad-di-iš-ši*

## (§148)

- 65 *šum-ma a-wi-lum*  
*aš-ša-tam*  
*i-ḫu-uz-ma*  
*la-a' -bu-um*  
*iṣ-ša-ba-as-sí*  
 70 *a-na ša-ni-tim*  
*a-ḫa-zi-im*  
*pa-ni-šu*  
*iš-ta-ka-an*  
*i-ih-ḫa-az*  
 75 *aš-ša-sú*  
*ša la-a' -bu-um*  
*iṣ-ba-tu*  
*ú-ul i-iz-zi-ib-ši*  
*i-na É i-pu-šu*  
 80 *uš-ša-am-ma*  
*a-di ba-al-ṭa-at ʿitʿ -ta-na-aš-ši-ši*

## (§149)

- IX r *šum-ma MUNUS ši-i*  
*i-na É mu-ti-ša*

wa-ša-ba-am  
 la im-ta-gàr  
 5 še-ri-ik-ta-ša  
 ša iš-tu É a-bi-ša  
 ub-lam  
 〔ú〕-[š]a-lam-šim-ma  
 it-ta-al-la-ak

(§150)

10 šum-ma a-wi-lum  
 a-na aš-ša-ti-šu  
 A.ŠĀ<sup>giš</sup>KIRI<sub>6</sub> É  
 ù bi-ša-am  
 iš-ru-uk-šim  
 15 ku-nu-uk-kam  
 i-zi-ib-ši-im  
 wa-ar-ki mu-ti-ša  
 DUMU<sup>meš</sup>-ša ú-ul i-ba-qá-ru-ši  
 um-mu-um  
 20 wa-ar-ka-sà  
 a-na DUMU-ša  
 ša i-ra-am-mu  
 i-na-ad-di-in  
 a-na a-ḫi-im  
 25 ú-ul i-na-ad-di-in

(§151)

šum-ma MUNUS  
 ša i-na É a-wi-lim  
 wa-aš-ba-at  
 aš-šum be-el ḫu-bu-ul-lim  
 30 ša mu-ti-ša  
 la ša-ba-ti-ša  
 mu-sà úr-ta-ak-ki-is  
 DUB-pa-am  
 uš-te-zi-ib  
 35 šum-ma a-wi-lum šu-ú  
 la-ma MUNUS šu-a-ti  
 i-ih-ḫa-zu  
 ḫu-bu-ul-lum  
 e-li-šu  
 40 i-ba-aš-ši  
 be-el ḫu-bu-ul-li-šu  
 aš-ša-sú  
 ú-ul i-ša-ba-tu  
 ù šum-ma MUNUS ši-i  
 45 la-ma a-na É a-wi-lim  
 i-ir-ru-bu  
 ḫu-bu-ul-lum

*e-li-ša*  
*i-ba-aš-ši*  
 50 *be-el hu-bu-ul-li-ša*  
*mu-sà ú-ul i-ša-ba-tu*

**(§152)**

*šum-ma iš-tu*  
 MUNUS *ši-i*  
*a-na É a-wi-lim*  
 55 *i-ru-bu*  
*e-li-šu-nu*  
*hu-bu-ul-lum*  
*it-tab-ši*  
*ki-la-la-šu-nu*  
 60 DAM.GÀR *i-ip-pa-lu*

**(§153)**

*šum-ma aš-ša-at a-wi-lim*  
*aš-šum zi-ka-ri-im*  
*ša-ni-im*  
*mu-sà uš-di-ik*  
 65 MUNUS *šu-a-ti i-na ga-ši-ši-im*  
*i-ša-ak-ka-nu-ši*

**(§154)**

*šum-ma a-wi-lum*  
 DUMU.MUNUS-*sú*  
*il-ta-ma-ad*  
 70 *a-wi-lam šu-a-ti*  
 URU *ú-še-eš-šú-ú-šu*

**(§155)**

*šum-ma a-wi-lum*  
*a-na DUMU-šu*  
 É.GI<sub>4</sub>.A *i-hi-ir-ma*  
 75 DUMU-*šu il-ma-sí*  
*šu-ú wa-ar-ka-nu-um-ma*  
*i-na sú-ni-ša*  
*it-ta-ti-il-ma*  
*iš-ša-ab-tu-šu*  
 80 *a-wi-lam šu-a-ti*  
*i-ka-sú-šu-ma*  
*a-na me-e*  
 X r *i-na-[a]d-du-ú-šu!(ŠI)*

**(§156)***šum-ma a-wi-lum**a-na DUMU-šu**É.GI<sub>4</sub>.A*

5

*i-ḫi-ir-ma**DUMU-šu la il-ma-sí-ma**šu-ú i-na sú-ni-ša**it-ta!(ŠA)-ti-il**1/2 MA.NA KÛ.BABBAR*

10

*i-ša-qal-ši-im-ma**ù mi-im-ma**ša iš-tu**É a-bi-ša**ub-lam*

15

*ú-ša-lam-ši-im-ma**mu-tu li-ib-bi-ša**i-iḫ-ḫa-as-sí***(§157)***šum-ma a-wi-lum**wa-ar-ki a-bi-šu*

20

*i-na sú-un um-mi-šu**it'-ta-ti-il**ki-la-li-šu-nu**i-qal-lu-ú-šu-nu-ti***(§158)***šum-ma a-wi-lum*

25

*wa-ar-ki a-bi-šu**i-na sú-un**ra-bi-ti-šu**ša DUMU<sup>meš</sup> wa-al-da-at**it-ta-aš-ba-at*

30

*a-wi-lum šu-ú**i-na É A.BA**in-na-as-sà-aḫ***(§159)***šum-ma a-wi-lum**ša a-na É e-mi-šu*

35

*bi-ib-lam**ú-ša-bi-lu**ter-ḫa-tam id-di-nu**a-na MUNUS ša-ni-tim**ub-ta-al-li-iš-ma*

40

*a-na e-mi-šu**DUMU.MUNUS-ka**ú-ul a-ḫa-az iq-ta-bi*

*a-bi* DUMU.MUNUS  
*mi-im-ma*  
 45 *ša ib-ba-ab-lu-šum*  
*i-tab-ba-al*

**(§160)**

*šum-ma a-wi-lum*  
*a-na É e-mi-im*  
*bi-ib-lam*  
 50 *ú-ša-bi-il*  
*ter-ḥa-tam*  
*id-di-in-ma*  
*a-bi* DUMU.MUNUS  
 DUMU.MUNUS-*i ú-ul a-na-ad-di-ik-kum*  
 55 *iq-ta-bi*  
*mi-im-ma ma-la*  
*ib-ba-ab-lu-<sup>r</sup>šum<sup>r</sup>*  
*uš-ta-ša-an-na-ma*  
*ú-ta-ar*

**(§161)**

60 *šum-ma a-wi-lum*  
*a-na É e-mi-šu*  
*bi-ib-lam ú-ša-bíl*  
*ter-ḥa-tam*  
*id-di-in-ma*  
 65 *i-bi-ir-šu*  
*uk-tar-ri-sú*  
*e-mu-šu*  
*a-na be-el aš-ša-tim*  
 DUMU.MUNUS-*i ú-ul ta-aḥ-ḥa-az*  
 70 *iq-ta-bi*  
*mi-im-ma ma-la*  
*ib-ba-ab-lu-šum*  
*uš-ta-ša-an-na-ma*  
*ú-ta-ar*  
 75 *ù aš-ša-sú*  
*i-bi-ir-šu*  
*ú-ul i-iḥ-ḥa-az*

**(§162)**

*šum-ma a-wi-lum*  
*aš-ša-tam*  
 80 *i-ḥu-uz*  
 DUMU<sup>meš</sup> *ú-li-súm-ma*  
 MUNUS *ši-i*  
*a-na ši-im-tim*  
 XI r *it-ta-la-ak*

*a-na še-ri-ik-ti-ša*  
*a-bu-ša*  
*ú-ul i-ra-ag-gu-um*  
 5 *še-ri-ik-ta-ša*  
*ša DUMU<sup>meš</sup>-ša-ma*

**(§163)**

*šum-ma a-wi-lum*  
*aš-ša-tam*  
*i-ḥu-uz-ma*  
 10 *DUMU<sup>meš</sup> la ú-šar-ši-šu*  
*MUNUS ši-i*  
*a-na ši-im-tim*  
*it-ta-la-ak*  
*šum-ma ter-ḥa-tam*  
 15 *ša a-wi-lum šu-ú*  
*a-na É e-mi-šu ub-lu*  
*e-mu-šu*  
*ut-te-er-šum*  
*a-na še-ri-ik-ti*  
 20 *MUNUS šu-a-ti*  
*mu-sà ú-ul i-ra-ag-gu-um*  
*še-ri-ik-ta-ša*  
*ša É a-bi-ša-ma*

**(§164)**

*šum-ma e-mu-šu*  
 25 *ter-ḥa-tam*  
*la ut-te-er-šum*  
*i-na še-ri-ik-ti-ša*  
*ma-la ter-ḥa-ti-ša*  
*i-ḥar-ra-aš-ma*  
 30 *še-ri-ik-ta-ša*  
*a-na É a-bi!(TA)-ša*  
*ú-ta-ar*

**(§165)**

*šum-ma a-wi-lum*  
*a-na IBILA-šu*  
 35 *ša i-in-šu maḥ-ru*  
*A.ŠÀ<sup>giš</sup>KIRI<sub>6</sub> ù É*  
*iš-ru-uk*  
*ku-nu-kam iš-ṭur-šum*  
*wa-ar-ka a-bu-um*  
 40 *a-na ši-im-tim*  
*it-ta-al-ku*  
*i-nu-ma aḥ-ḥu*  
*i-zu-uz-zu*

- 45 *qí-iš-ti a-bu-um*  
*id-di-nu-šum*  
*i-le-qé-ma*  
*e-le-nu-um-ma*  
*i-na NÍG.GA É A.BA*  
*mi-it-ḥa-ri-iš*  
 50 *i-zu-uz-zu*

**(§166)**

- šum-ma a-wi-lum*  
*a-na DUMU<sup>meš</sup> ša ir-šu-ú*  
*aš-ša-tim i-ḥu-uz*  
*a-na DUMU-šu*  
 55 *še-eḥ-ri-im*  
*aš-ša-tam*  
*la i-ḥu-uz*  
*wa-ar-ka a-bu-um*  
*a-na ší-im-tim*  
 60 *it-ta-al-ku*  
*i-nu-ma aḥ-ḥu*  
*i-zu-uz-zu*  
*i-na NÍG.GA É A.BA*  
*a-na a-ḥi-šu-nu*  
 65 *še-eḥ-ri-im*  
*ša aš-ša-tam*  
*la aḥ-zu*  
*e-li-a-at*  
*zi-it-ti-šu*  
 70 *KÛ.BABBAR ter-ḥa-tim*  
*i-ša-ak-ka-nu-šum-ma*  
*aš-ša-tam*  
*ú-ša-aḥ-ḥa-zu-šu*

**(§167)**

- šum-ma a-wi-lum*  
 75 *aš-ša-tam*  
*i-ḥu-uz-ma*  
*DUMU<sup>meš</sup> ú-li-súm*  
*MUNUS ší-i*  
*a-na ší-im-tim*  
 80 *it-ta-la-ak*  
*wa-ar-ki-ša*  
*MUNUS ša-ni-tam*  
*i-ta-ḥa-az-ma*  
*DUMU<sup>meš</sup> it-ta-la-ad*  
 85 *wa-ar-ka<<-nu-um>>*  
*a-bu-um a-na ší-im-tim*  
*it-ta-al-ku*  
*DUMU<sup>meš</sup> a-na um-ma-tim*



ú-ul i-zu-uz-zu  
 še-ri-ik-ti  
 um-ma-ti-šu-nu  
 5 i-le-qú-ma  
 NÍG.GA É A.BA  
 mi-it-ḥa-ri-iš  
 i-zu-uz-zu

(§168)

10 šum-ma a-wi-lum  
 a-na DUMU-šu  
 na-sa-ḥi-im  
 pa-nam iš-ta-ka-an  
 a-na da-a-a-ni  
 DUMU-i a-na-sà-aḥ iq-ta-bi  
 15 da-a-a-nu  
 wa-ar-ka-sú  
 i-pár-ra-su-ma  
 šum-ma DUMU ar-nam kab-tam  
 ša i-na ap-lu-tim  
 20 na-sa-ḥi-im  
 la ub-lam  
 a-bu-um DUMU-šu  
 i-na ap-lu-tim  
 ú-ul i-na-sà-aḥ

(§169)

25 šum-ma ar-nam kab-tam  
 ša i-na ap-lu-tim  
 na-sa-ḥi-im  
 a-na a-bi-šu  
 it-ba-lam  
 30 a-na iš-ti-iš-šu  
 pa-ni-šu ub-ba-lu  
 šum-ma ar-nam kab-tam  
 a-di ši-ni-šu it-ba-lam  
 a-bu-um DUMU-šu  
 35 i-na ap-lu-tim  
 i-na-sà-aḥ

(§170)

šum-ma a-wi-lum  
 ḥi-ir-ta-šu  
 DUMU<sup>meš</sup> ú-li-súm  
 40 ù GÉME-sú  
 DUMU<sup>meš</sup> ú-li-súm  
 a-bu-um  
 i-na bu-ul-ti-šu

- a-na DUMU<sup>meš</sup> ša GÉME ul-du-šum  
 45 DUMU<sup>meš</sup>-ú-a iq-ta-bi  
 it-ti DUMU<sup>meš</sup> hi-ir-tim  
 im-ta-nu-šu-nu-ti  
 wa-ar-ka a-bu-um  
 a-na ši-im-tim  
 50 it-ta-al-ku  
 i-na NÍG.GA É A.BA  
 DUMU<sup>meš</sup> hi-ir-tim  
 ù DUMU<sup>meš</sup> GÉME  
 mi-it-ḥa-ri-iš  
 55 i-zu-uz-zu  
 IBILA DUMU hi-ir-tim  
 i-na zi-it-tim  
 i-na-sà-aq-ma  
 i-le-qé

## (§171)

- 60 ù šum-ma a-bu-um  
 i-na bu-ul-ti-šu  
 a-na DUMU<sup>meš</sup> ša GÉME ul-du-šum  
 DUMU<sup>meš</sup>-ú-a la iq-ta-bi  
 wa-ar-ka a-bu-um  
 65 a-na ši-im-tim  
 it-ta-al-ku  
 i-na NÍG.GA É A.BA  
 DUMU<sup>meš</sup> GÉME  
 it-ti DUMU<sup>meš</sup> hi-ir-tim  
 70 ú-ul i-zu-uz-zu  
 an-du-ra-ar  
 GÉME ù DUMU<sup>meš</sup>-ša  
 iš-ša-ak-ka-an  
 DUMU<sup>meš</sup> hi-ir-tim  
 75 a-na DUMU<sup>meš</sup> GÉME  
 a-na wa-ar-du-tim  
 ú-ul i-ra-ag-gu-mu

## (§171b)

- hi-ir-tum  
 še-ri-ik-ta-ša  
 80 ù nu-du-na-am  
 ša mu-sà  
 id-di-nu-ši-im  
 i-na DUB-pi-im  
 iš-tú-ru-ši-im  
 85 i-le-qé-ma  
 i-na šu-ba-at  
 mu-ti-ša uš-ša-ab  
 XIII r a-di ba-al-ṭa-at i-ik-ka-al

*a-na KÙ.BABBAR*  
*ú-ul i-na-ad-di-in*  
*wa-ar-ka-sà*  
 5 *ša DUMU<sup>meš</sup>-ša-ma*

**(§172)**

*šum-ma mu-sà*  
*nu-du-un-na-am*  
*la id-di-iš-ši-im*  
*še-ri-ik-ta-ša*  
 10 *ú-ša-la-mu-ši-im-ma*  
*i-na NÍG.GA*  
*É mu-ti-ša*  
*zí-it-tam*  
*ki-ma IBILA iš-te-en*  
 15 *i-le-qé*  
*šum-ma DUMU<sup>meš</sup>-ša*  
*aš-šum i-na É šu-ši-im*  
*ú-sà-aḥ-ḥa-mu-ši*  
*da-a-a-nu*  
 20 *wa-ar-ka-sà*  
*i-pár-ra-su-ma*  
*DUMU<sup>meš</sup> ar-nam*  
*i-im-mi-du*  
*MUNUS ši-i*  
 25 *i-na É mu-ti-ša*  
*ú-ul us-ši*  
*šum-ma MUNUS ši-i*  
*a-na wa-še-em*  
*ṛpa-ni<sup>7</sup>-ša*  
 30 *iš-ta-ka-an*  
*nu-du-un-na-am*  
*ša mu-sà*  
*id-di-nu-ši-im*  
*a-na DUMU<sup>meš</sup>-ša*  
 35 *i-iz-zi-ib*  
*še-ri-ik-tam*  
*ša É a-bi-ša*  
*i-le-qé-ma*  
*mu-ut li-ib-bi-ša*  
 40 *i-iḥ-ḥa-as-sí*

**(§173)**

*šum-ma MUNUS ši-i*  
*a-šar i-ru-bu*  
*a-na mu-ti-ša*  
*wa-ar-ki-im*  
 45 *DUMU<sup>meš</sup> it-ta-la-ad*  
*wa-ar-ka MUNUS ši-i im-tu-ut*

še-ri-ik-ta-ša  
 DUMU<sup>meš</sup> maḥ-ru-tum  
 ù wa-ar-ku-tum  
 50 i-zu-uz-zu

## (§174)

šum-ma a-na mu-ti-ša  
 wa-ar-ki-im  
 DUMU<sup>meš</sup> la it-ta-la-ad  
 še-ri-ik-ta-ša  
 55 DUMU<sup>meš</sup> ḥa-wi-ri-ša-ma  
 i-le-qú-ú

## (§175)

šum-ma lu ÌR É.GAL  
 ù lu ÌR  
 MAŠ.EN.GAG  
 60 DUMU.MUNUS a-wi-lim  
 i-ḥu-uz-ma  
 DUMU<sup>meš</sup>  
 it-ta-la-ad  
 be-el ÌR  
 65 a-na DUMU<sup>meš</sup>  
 DUMU.MUNUS a-wi-lim  
 a-na wa-ar-du-tim  
 ú-ul i-ra-ag-gu-um

## (§176)

ù šum-ma ÌR É.GAL  
 70 ù lu ÌR MAŠ.EN.GAG  
 DUMU.MUNUS a-wi-lim  
 i-ḥu-uz-ma  
 i-nu-ma i-ḥu-zu-ši  
 qá-du-um  
 75 še-ri-ik-tim  
 ša É a-bi-ša  
 a-na É ÌR É.GAL  
 ù lu ÌR MAŠ.EN.GAG  
 i-ru-ub-ma  
 80 iš-tu in-ne-em-du  
 É i-pu-šu  
 bi-ša-am ir-šu-ú  
 wa-ar-ka-nu-um-ma  
 lu ÌR É.GAL  
 85 ù lu ÌR MAŠ.EN.GAG  
 a-na ši-im-tim  
 it-ta-la-ak  
 DUMU.MUNUS a-wi-lim

90 *še-ri-ik-ta-ša*  
*i-le-qé*  
*ù mi-im-ma*  
*ša mu-sà ù ši-i*  
 XIV r *iš-tu in-ne-em-du*  
*ir-šu-ú*  
*a-na ši-ni-šu*  
*i-zu-uz-zu-ma*  
 5 *mi-iš-lam be-el ÌR*  
*i-le-qé*  
*mi-iš-lam*  
 DUMU.MUNUS *a-wi-lim*  
*a-na DUMU<sup>meš</sup>-ša i-le-qé*

**(§176b)**

10 *šum-ma DUMU.MUNUS a-wi-lim*  
*še-ri-ik-tam la i-šu*  
*mi-i[m]-ma ša mu-<sup>r</sup>sà<sup>7</sup> ù ši-i*  
*iš-tu in-ne-em-du*  
*ir-šu-ú*  
 15 *a-na ši-ni-šu*  
*i-zu-uz-zu-ma*  
*mi-iš-lam be-el ÌR*  
*i-le-qé*  
*mi-iš-lam*  
 20 DUMU.MUNUS *a-wi-lim*  
*a-na DUMU<sup>meš</sup>-ša i-le-qé*

**(§177)**

*šum-ma NU.MU.SU*  
*ša DUMU<sup>meš</sup>-ša*  
*še-eh-~~he~~-ru*  
 25 *a-na É ša-ni-im*  
*e-re-bi-im*  
*pa-ni-ša*  
*iš-ta-ka-an*  
*ba-lum da-a-a-ni*  
 30 *ú-ul i-ir-ru-ub*  
*i-nu-ma*  
*a-na É ša-ni-im*  
*i-ir-ru-bu*  
*da-a-a-nu*  
 35 *wa-ar-ka-at*  
*É mu-ti-ša*  
*pa-ni-im*  
*i-pár-ra-su-ma*  
*É ša mu-ti-ša*  
 40 *pa-ni-im*  
*a-na mu-ti-ša*

- wa-ar-ki-im*  
 ù MUNUS *šu-a-ti*  
*i-pa-aq-qí-du-ma*  
 45 DUB-*pa-am*  
*ú-še-ez-ze-bu-šu-nu-ti*  
 É *i-na-ša-ru*  
 ù *še-eh-ḥe-ru-tim*  
*ú-ra-ab-bu-ú*  
 50 *ú-ni-a-tim*  
*a-na* KÙ.BABBAR  
*ú-ul i-na-ad-di-nu*  
*ša-a-a-ma-nu-um*  
*ša ú-nu-ut*  
 55 DUMU<sup>meš</sup> NU.MU.SU  
*i-ša-am-mu*  
*i-na* KÙ.BABBAR-*šu*  
*i-te-el-li*  
 NÍG.GA *a-na be-lí-šu*  
 60 *i-ta-ar*

## (§178)

- šum-ma* NIN.DINGIR LUKUR  
 ù *lu* <sup>munus</sup>ZI.IK.RU.UM  
*ša a-bu-ša*  
*še-ri-ik-tam*  
 65 *iš-ru-ku-ši-im*  
 DUB-*pa-am*  
*iš-ṭú-ru-ši-im*  
*i-na* DUB-*pí-im*  
*ša iš-ṭú-ru-ši-im*  
 70 *wa-ar-ka-sà*  
*e-ma e-li-ša*  
*ṭa-bu na-da-nam*  
*la iš-ṭur-ši-im-ma*  
*ma-la li-ib-bi-ša*  
 75 *la ú-ša-am-ṣí-ši*  
*wa-ar-ka a-bu-um*  
*a-na ši-im-tim*  
*it-ta-al-ku*  
 A.ŠÀ-*ša* ù <sup>giš</sup>KIRI<sub>6</sub>-*ša*  
 80 *aḥ-ḥu-ša*  
*i-le-qú-ma*  
*ki-ma e-mu-uq*  
*zi-it-ti-ša*  
 ŠE.BA Ì.BA ù SIKI.BA  
 85 *i-na-ad-di-nu-šim-ma*  
*li-ib-ba-ša*  
*ú-ṭa-ab-bu*  
*šum-ma aḥ-ḥu-ša*  
*ki-ma e-mu-uq*

- 90 *zi-it-ti-ša*  
 ŠE.BA Ì.BA ù SIKI.BA  
*la it-ta-ad-nu-ši-im-ma*  
 XV r *li-ib-ba-ša*  
*la uṭ-ṭi-ib-bu*  
 A.ŠĀ-ša ù <sup>giš</sup>KIRI<sub>6</sub>-ša  
*a-na er-re-ši-im*  
 5 *ša e-li-ša ṭa-bu*  
*i-na-ad-di-in-ma*  
*er-re-sà*  
*it-ta-na-aš-ši-ši*  
 A.ŠĀ <sup>giš</sup>KIRI<sub>6</sub>  
 10 *ù mi-im-ma*  
*ša a-bu-ša*  
*id-di-nu-ši-im*  
*a-di ba-al-ṭa-at ì-kal*  
*a-na KÙ.BABBAR*  
 15 *ú-ul i-na-ad-di-in*  
*ša-ni-a-am*  
*ú-ul ú-up-pa-al*  
*ap-lu-sà*  
*ša aḥ-ḥi-ša-ma*

(§179)

- 20 *šum-ma* NIN.DINGIR LUKUR  
*ù lu* <sup>munus</sup>ZI.IK.RU.UM  
*ša a-bu-ša*  
*še-ri-ik-tam*  
*iš-ru-ku-ši-im*  
 25 *ku-nu-kam*  
*iš-ṭú-ru-ši-im*  
*i-na* DUB-pí-im  
*ša iš-ṭú-ru-ši-im*  
*wa-ar-ka-sà*  
 30 *e-ma e-li-ša ṭa-bu*  
*na-da-nam*  
*iš-ṭur-ši-im-ma*  
*ma-la li-ib-bi-ša*  
*uš-tam-ṣí-ši*  
 35 *wa-ar-ka a-bu-um*  
*a-na ši-im-tim*  
*it-ta-al-ku*  
*wa-ar-ka-sà*  
*e-ma e-li-ša ṭa-bu*  
 40 *i-na-ad-di-in*  
*aḥ-ḥu-ša*  
*ú-ul i-ba-aq-qá-ru-ši*

## (§180)

- šum-ma a-bu-um*  
*a-na DUMU.MUNUS-šu*  
 45 LUKUR ʽGÁ/Éʼ.GI<sub>4</sub>.A  
*ù lu munus<sup>us</sup>ZI.IK.RU.UM*  
*še-ri-ik-tam*  
*la iš-<ru>-uk-ši-im*  
*wa-ar-ka a-bu-um*  
 50 *a-na ši-im-tim*  
*it-ta-al-ku*  
*i-na NÍG.GA ʽÉʼ A.BA*  
*zi-it-tam ki-ma*  
*ap-lim iš-te-en*  
 55 *i-za-az-ma*  
*a-di ba-al-ṭa-at*  
*i-ik-ka-al*  
*wa-ar-ka-sà*  
*ša aḥ-ḥi-ša-ma*

## (§181)

- 60 *šum-ma a-bu-um*  
 LUKUR NU.GIG  
*ù lu NU.BAR*  
*a-na DINGIR iš-ši-ma*  
*še-ri-ik-tam*  
 65 *la iš-ru-uk-ši-im*  
*wa-ar-ka a-bu-um*  
*a-na ši-im-tim*  
*it-ta-al-ku*  
*i-na NÍG.GA É A.BA*  
 70 IGI.3.GÁL IBILA-ša  
*i-za-az-ma*  
*a-di ba-al-ṭa-at*  
*i-ik-ka-al*  
*wa-ar-ka-sà*  
 75 *ša aḥ-ḥi-ša-ma*

## (§182)

- šum-ma a-bu-um*  
*a-na DUMU.MUNUS-šu*  
 LUKUR <sup>d</sup>AMAR.UD  
*ša KÁ!(É).DINGIR.RA<sup>ki</sup>*  
 80 *še-ri-ik-tam*  
*la iš-ru-uk-ši-im*  
*ku-nu-kam*  
*la iš-ṭur-ši-im*  
*wa-ar-ka a-bu-um*  
 85 *a-na ši-im-tim*  
*it-ta-al-ku*



*i-na NÍG.GA É A.BA*  
 IGI.3.GÁL IBILA-ša  
 90 *it-ti aḥ-ḥi-ša*  
*i-za-az-ma*  
*il-kam*  
*ú-ul i-il-la-ak*  
 LUKUR<sup>d</sup>AMAR.UD  
 95 *wa-ar-ka-sà*  
*e-ma e-li-ša*  
 XVI r *ṭa-bu*  
*i-na-ad-di-in*

**(§183)**

*šum-ma a-bu-um*  
*a-na DUMU.MUNUS-šu šu-gi<sub>4</sub>-tim*  
*še-ri-ik-tam*  
 5 *iš-ru-uk-ši-im*  
*a-na mu-tim*  
*id-di-iš-ši*  
*ku-nu-uk-kam*  
*iš-ṭur-ši-im*  
 10 *wa-ar-ka a-bu-um*  
*a-na ši-im-tim*  
*it-ta-al-ku*  
*i-na NÍG.GA É A.BA*  
*ú-ul i-za-az*

**(§184)**

15 *šum-ma a-wi-lum*  
*a-na DUMU.MUNUS-šu*  
*šu-gi<sub>4</sub>-tim*  
*še-ri-ik-tam*  
*la iš-ru-uk-šim*  
 20 *a-na mu-tim*  
*la id-di-iš-ši*  
*wa-ar-ka a-bu-um*  
*a-na ši-im-tim*  
*it-ta-al-ku*  
 25 *aḥ-ḥu-ša*  
*ki-ma e-mu-uq É A.BA*  
*še-ri-ik-tam*  
*i-šar-ra-ku-ši-<sup>r</sup>im<sup>l</sup>-ma*  
*a-na mu-tim*  
 30 *i-na-ad-di-nu-ši*

**(§185)**

*šum-ma a-wi-lum*  
*še-eḥ-ra-am*

35 *i-na me-e-šu*  
*a-na ma-ru-tim*  
*il-qé-ma*  
*úr-ta-ab-bi-šu*  
*tar-bi-tum ši-i*  
*ú-ul ib-ba-aq-qar*

**(§186)**

40 *šum-ma a-wi-lum*  
*še-eh-ra-am*  
*a-na ma-ru-tim il-qé*  
*i-nu-ma*  
*il-qú-ú-šu*  
*a-ba-šu*  
 45 *ù um-ma-šu*  
*i-ḥi-a-aṭ*  
*tar-bi-tum ši-i*  
*a-na É a-bi-šu*  
*i-ta-ar*

**(§187)**

50 DUMU GÌR.SÈ.GA  
*mu-za-az É.GAL*  
*ù DUMU munus<sup>3</sup>ZI.IK.RU.UM*  
*ú-ul ib-ba-aq-qar*

**(§188)**

55 *šum-ma DUMU UM.MI.A*  
*DUMU a-na tar-bi-tim*  
*il-qé-ma*  
*ši-pí-ir qá-ti-šu*  
*uš-ta-ḥi-sú*  
*ú-ul ib-ba-qar*

**(§189)**

60 *šum-ma ši-pí-ir qá-ti-šu*  
*la uš-ta-ḥi-sú*  
*tar-bi-tum ši-i*  
*a-na É a-bi-šu*  
*i-ta-ar*

**(§190)**

65 *šum-ma a-wi-lum*  
*še-eh-ra-am*  
*ša a-na ma-ru-ti-šu*  
*il-qú-šu-ma*  
*ú-ra-ab-bu-šu*

70 *it-ti* DUMU<sup>meš</sup> -*šu*  
*la im-ta-nu-šu*  
*tar-bi-tum ši-i*  
*a-na É a-bi-šu*  
*i-ta-ar*

(§191)

75 *šum-ma a-wi-lum*  
*še-eh-ra-am*  
*ša a-na ma-ru-ti-šu*  
*il-qú-šu-ma*  
*ú-ra-ab-bu-ú-šu*  
 80 *É-sú!*(BA) *i-pu-uš*  
*wa-ar-ka* DUMU<sup>meš</sup>  
*ir-ta-ši-ma*  
*a-na tar-bi-tim na-sa-ḫi-im*  
*pa-nam iš-ta-ka-an*  
 85 DUMU *šu-ú ri-qú-sú*  
*ú-ul it-ta-al-la-ak*  
*a-bu-um mu-ra-bi-šu*  
*i-na NÍG.GA-šu*  
 IGI.3.GÁL IBILA-*šu*  
 90 *i-na-ad-di-iš-šum-ma*  
*it-ta-la-ak*  
*i-na A.ŠÀ<sup>giš</sup>KIRI<sub>6</sub>*  
*ù É*  
 94/95 *ú-ul i-na-ad-di-iš-šum*

(§192)

96 *šum-ma* DUMU GÌR.SÈ.GA  
 XVII r *ù lu* DUMU<sup>munus</sup> ZI.IK.RU.[U]M  
*a-na a-bi-im*  
*mu-ra-bi-šu*  
*ù um-mi-im*  
 5 *mu-ra-bi-ti-šu*  
*ú-ul a-<sup>ṽ</sup>bi<sup>ṽ</sup> at-ta*  
*ú-ul um-mi at-ti iq-ta-<sup>ṽ</sup>bi<sup>ṽ</sup>*  
 EME-*šu*  
*i-na-ak-ki-<sup>ṽ</sup>su<sup>ṽ</sup>*

(§193)

10 *šum-ma* DUMU GÌR.SÈ.GA  
*ù lu* DUMU<sup>munus</sup> ZI.IK.RU.UM  
*É a-bi-šu*  
*ú-we-ed-di-ma*  
*a-ba-am*  
 15 *mu-ra-bi-šu*  
*ù um-ma-<sup>ṽ</sup>am<sup>ṽ</sup>*

*mu-ra-bi-sú*  
*i-zé-er-ma*  
*a-na É a-bi-šu*  
 20 *it-ta-la-ak*  
*i-in-šu*  
*i-na-sà-ḫu*

**(§194)**

*šum-ma a-wi-lum*  
 DUMU-šu *a-na mu-še-ni-iq-tim*  
 25 *id-di-in-ma*  
 DUMU *šu-<sup>⌈</sup>ú<sup>⌋</sup>*  
*i-n[a] qá-at mu-še-ni-iq-[t]im*  
*im-tu-ut*  
*mu-še-ni-iq-t[u]m*  
 30 *ba-lum a-bi-šu*  
*ù um-mi-šu*  
 DUMU *ša-ni-a-am-ma*  
*ir-ta-ka-<sup>⌈</sup>ás<sup>⌋</sup>*  
*ú-ka-an-nu-ši-ma*  
 35 *aš-šum ba-lum a-bi-[š]u*  
*ù um-mi-<sup>⌈</sup>šu<sup>⌋</sup>*  
 DUMU *ša-ni-a-a[m]*  
*ir-ku-[s]u*  
 UBUR-<sup>⌈</sup>ša<sup>⌋</sup>  
 40 *i-na-ak-ki-<sup>⌈</sup>su<sup>⌋</sup>*

**(§195)**

*šum-ma DUMU a-b[a]-šu*  
*im-ta-ḫa-aṣ*  
 KIŠIB.LÁ-šu  
*i-na-ak-ki-su*

**(§196)**

45 *šum-ma a-wi-lum*  
*i-in DUMU a-wi-lim*  
*úḫ-tap-pí-id*  
*i-in-šu*  
*ú-ḫa-ap-pa-du*

**(§197)**

50 *šum-ma GÌR.PAD.DU a-wi-lim*  
*iš-te-bi-ir*  
 GÌR.PAD.DU-šu  
*i-še-eb-bi-ru*

**(§198)**

- šum-ma i-in* MAŠ.EN.GAG  
 55 *úh-tap-pí-id*  
*ù lu* GÌR.PAD!(NÍG).DU MAŠ.EN.GAG  
*iš-te-bi-ir*  
 1 MA.NA KÛ.BABBAR  
*i-ša-qal*

**(§199)**

- 60 *šum-ma i-in ÌR a-wi-lim*  
*úh-tap-pí-id*  
*ù lu* GÌR.PAD.DU ÌR *a-wi-lim*  
*iš-te-bi-ir*  
*mi-ši-il* ŠÁM-šu  
 65 *i-ša-qal*

**(§200)**

- šum-ma a-wi-lum*  
*ši-in-ni a-wi-lim*  
*me-eḫ-ri-šu*  
*it-ta-di*  
 70 *ši-in-na-šu i-na-ad-du-ú*

**(§201)**

*šum-ma ši-in-ni*  
 MAŠ.EN.GAG *it-ta-di*  
 1/3 MA.NA KÛ.BABBAR  
*i-ša-qal*

**(§202)**

- 75 *šum-ma a-wi-lum*  
*le-e-et a-wi-lim*  
*ša e-li-šu ra-bu-ú*  
*im-ta-ḫa-aṣ*  
*i-na pu-úh-ri-im*  
 80 *i-na* <sup>kuš</sup>ÛSAN GU<sub>4</sub>  
 1 *šu-ši im-maḫ-ḫa-aṣ*

**(§203)**

- šum-ma DUMU a-wi-lim*  
*le-e-et DUMU a-wi-lim*  
*ša ki-ma šu-a-ti*  
 85 *im-ta-ḫa-aṣ*  
 1 MA.NA KÛ.BABBAR  
*i-ša-qal*

**(§204)**

90 *šum-ma* MAŠ.EN.GAG  
*le-e-et* MAŠ.EN.GAG  
*im-ta-ḥa-aṣ*  
 10 GÍN KÙ.BABBAR *i-ša-qal*

**(§205)**

XVIII r *šum-ma* ÌR *a-wi-lim*  
*le-e-et* DUMU *a-wi-lim*  
*im-ta-ḥa-aṣ*  
*ú-zu-un-šu*  
*i-na-ak-ki-su*

**(§206)**

5 *šum-ma a-wi-lum a-wi-lam*  
*i-na ri-is-ba-tim*  
*im-ta-ḥa-aṣ-ma*  
*sí-im-ma-am*  
*iš-ta-ka-an-šu*  
*a-wi-lum šu-ú*  
 10 *i-na i-du-ú*  
*la am-ḥa-ṣú*  
*i-tam-ma*  
*ù A.ZU i-ip-pa-al*

**(§207)**

15 *šum-ma i-na ma-ḥa-ṣí-šu*  
*im-tu-ut*  
*i-tam-ma-ma*  
*šum-ma* DUMU *a-wi-lim*  
 1/2 MA.NA KÙ.BABBAR  
*i-ša-qal*

**(§208)**

20 *šum-ma* DUMU MAŠ.EN.GAG  
 1/3 MA.NA KÙ.BABBAR  
*i-ša-qal*

**(§209)**

25 *šum-ma a-wi-lum*  
 DUMU.MUNUS *a-wi-lim*  
*im-ḥa-aṣ-ma*  
*ša li-ib-bi-ša*  
*uš-ta-di-ši*  
 10 GÍN KÙ.BABBAR  
*a-na ša li-ib-bi-ša*  
 30 *i-ša-qal*

**(§210)**

*šum-ma* MUNUS *ši-i*  
*im-tu-ut*  
 DUMU.MUNUS-*sú*  
*i-du-uk-ku*

**(§211)**

- 35 *šum-ma* DUMU.MUNUS MAŠ.EN.GAG  
*i-na ma-ḥa-ṣí-im*  
*ša li-ib-bi-ša*  
*uš-ta-ad-di-ši*  
 5 GÍN KÙ.BABBAR  
 40 *i-ša-qal*

**(§212)**

*šum-ma* MUNUS *ši-<i>*  
*im-tu-ut*  
 1/2 MA.「NA KÙ」.BABBAR  
*i-ša-qal*

**(§213)**

- 45 *šum-ma* GÉME *a-wi-lim*  
*im-ḥa-aṣ-ma*  
*ša li-ib-bi-ša*  
*uš-ta-ad-di-ši*  
 2 GÍN KÙ.BABBAR  
 50 *i-ša-qal*

**(§214)**

*šum-ma* GÉME *ši-i*  
*im-tu-ut*  
 1/3 MA.NA KÙ.BABBAR  
*i-ša-qal*

**(§215)**

- 55 *šum-ma* A.ZU  
*a-wi-lam sí-im-ma-am kab-tam*  
*i-na* GÍR.GAG!(NI).ZABAR  
*i-pu-uš-ma*  
*a-wi-lam ub-ta-al-li-iṭ*  
 60 *ù lu na-kap-ti a-wi-lim*  
*i-na* GÍR.GAG.ZABAR  
*ip-te-ma*  
*i-in a-wi-lim*  
*ub-ta-al-li-iṭ*  
 65 10 GÍN KÙ.BABBAR  
*i-le-qé*

## (§216)

*šum-ma* DUMU MAŠ.EN.GAG

5 GÍN KÙ.BABBAR

*i-le-qé*

## (§217)

70 *šum-ma* ÌR *a-wi-lim**be-el* ÌR *a-na* A.ZU

2 GÍN KÙ.BABBAR

*i-na-ad-di-in*

## (§218)

*šum-ma* A.ZU *a-<sup>r</sup>wi-lam<sup>r</sup>*75 *sí-im-ma-am kab-tam**i-na* GÍR.GAG!(NI).ZABAR*i-pu-uš-ma**a-wi-lam uš-ta-mi-it**ù lu na-kap!(Á)-ti a-wi-lim*80 *i-na* GÍR.GAG!(NI).ZABAR*ip-te-ma i-in a-wi-lim**úh-tap-pí-id*KIŠIB.LÁ-šu *i-na-ki-su*

## (§219)

*šum-ma* A.ZU *sí-ma-am kab-tam*

85 ÌR MAŠ.EN.GAG

*i-na* GÍR.GAG!(NI).ZABAR*i-pu-uš-ma uš-ta-mi-it*ÌR *ki-ma* ÌR *i-ri-ab*

## (§220)

*šum-ma na-kap-ta-šu*90 *i-na* GÍR.GAG!(NI).ZABAR*ip-te-ma**i-in-šu úh-tap-<pí>-id!(DA)*KÙ.BABBAR *mi-ši-il*ŠÁM-šu *i-ša-qal*

## (§221)

95 *šum-ma* A.ZUGÌR.PAD.DU *a-wi-lim*XIX r *še-bi-ir-tam**uš-ta-li-im**ù lu še-er-ḥa-nam**mar-ša-am*5 *ub-ta-al-li-iṭ**be-el si<sub>20</sub>-im-mi-im**a-na* A.ZU

5 GÍN KÙ.BABBAR

*i-na-ad-di-in*



## (§222)

10 *šum-ma* DUMU MAŠ.EN.GAG  
3 GÍN KÛ.BABBAR  
*i-na-ad-di-in*

## (§223)

*šum-ma* ÌR *a-wi-lim*  
*be-el* ÌR  
15 *a-na* A.ZU  
2 GÍN KÛ.BABBAR  
*i-na-ad-di-in*

## (§224)

*šum-ma* A.ZU GU<sub>4</sub>  
*ù lu* ANŠE  
20 *lu* GU<sub>4</sub> *ù lu* ANŠE  
*si*<sub>20</sub>-*im-ma-am kab-tam*  
*i-pu-uš-ma*  
*ub-ta-al-li-iṭ*  
*be-el* GU<sub>4</sub> *ù lu* ANŠE  
25 IGI.6.GÁL KÛ.BABBAR  
*a-na* A.ZU  
Á-šu  
*i-na-ad-di-in*

## (§225)

*šum-ma* GU<sub>4</sub> *ù lu* ANŠE  
30 *sí-im-ma-am kab-tam*  
*i-pu-uš-ma*  
*uš-ta-mi-it*  
IGI.4?.GÁL ŠÁM-šu  
*a-na be-el* GU<sub>4</sub> *ù lu* ANŠE  
35 *i-na-ad-di-in*

## (§226)

*šum-ma* ŠU.I  
*ba-lum be-el* ÌR  
*ab-bu-ti*  
ÌR *la še-e-em*  
40 *ú-gal-li-ib*  
KIŠIB.LÁ ŠU.I *šu-a-ti*  
*i-na-ak-ki-sú*

## (§227)

*šum-ma a-wi-lum*  
「ŠU.I」 「*i-da-aṣ*」-*ma*  
45 *ab-bu-ti*

ÌR *la še-e-em*  
*ug-da-al-li-ib*  
*a-wi-lam šu-a-ti*  
*i-du-uk-ku-šu-ma*  
 50 *i-na KÁ-šu*  
*i-ḥa-al-la-lu-šu*  
 ŠU.I *i-na i-du-ú*  
*la ú-gal-li-bu*  
*i-tam-ma-ma*  
 55 *ú-ta-aš-šar*

**(§228)**

*šum-ma ŠITIM*  
 É *a-na a-wi-lim*  
*i-pu-uš-ma*  
*ú-ša-ak-li-il-šum*  
 60 *a-na 1 SAR É*  
 2 GÍN KÙ.BABBAR  
*a-na qí-iš-ti-šu*  
*i-na-ad-di-iš-šum*

**(§229)**

*šum-ma ŠITIM*  
 65 *a-na a-wi-lim*  
 É *i-pu-uš-ma*  
*ši-pí-ir-šu*  
*la ú-dan-ni-in-ma*  
 É *i-pu-šu*  
 70 *ṛim-qú<sup>7</sup>-ut-ma*  
*be-el É uš-ta-mi-it*  
 ŠITIM *šu-ú id-da-ak*

**(§230)**

*šum-ma DUMU be-el É*  
*uš-ta-mi-it*  
 75 *DUMU ŠITIM šu-a-ti*  
*i-du-uk-ku*

**(§231)**

*šum-ma ÌR be-el É*  
*uš-ta-mi-it*  
 ÌR *ki-ma ÌR*  
 80 *a-na be-el É*  
*i-na-ad-di-in*

## (§232)

*šum-ma* NÍG.GA*úh-ta-al-li-iq**mi-im-ma*85 *ša ú-hal-li-qú**i-ri-ab**ù aš-šum É i-pu-šu**la ú-dan-ni-nu-ma**im-qú-tu*90 *i-na* NÍG.GA*ra-ma-ni-šu**É im-qú-tu i-ip-pé-eš*

## (§233)

*šum-ma* ŠITIM É*a-na a-wi-lim i-pu-uš-ma*95 *ši-pí-ir-šu**la uš-te-eš-bi-ma**É.GAR<sub>8</sub> iq-tu-up**ŠITIM šu-ú*XX r *i-na* KÛ.BABBAR *ra-ma-ni-šu**É.GAR<sub>8</sub> šu-a-ti**ú-dan-na-an*

## (§234)

*šum-ma* MÁ.LAH<sub>5</sub>5 *giš*MÁ.60.GUR*a-na a-wi-lim ip-ḥe*

2 GÍN KÛ.BABBAR

*a-na qí-iš-ti-šu**i-na-ad-di-iš-šum*

## (§235)

10 *šum-ma* MÁ.LAH<sub>5</sub>*giš*MÁ *a-na a-wi-lim**ip-ḥe-ma**ši-pí-ir-šu**la ú-ták-ki-il-ma*15 *i-na ša-at-tim-ma šu-a-ti**giš*MÁ *ši-i**iz-za-pár**ḥi-ti-tam ir-ta-ši*MÁ.LAH<sub>5</sub>20 *giš*MÁ *šu-a-ti**i-na-qar-ma**i-na* NÍG.GA *ra-ma-ni-šu**ú-dan-na-an-ma**giš*MÁ *dan-na-tam*25 *a-na be-el* *giš*MÁ*i-na-ad-di-in*

## (§236)

*šum-ma a-wi-lum*<sup>giš</sup>MÁ-šu*a-na* MÁ.LAH<sub>5</sub>30 *a-na ig-ri-im**id-di-in-ma*MÁ.LAH<sub>5</sub> *i-gi-ma*<sup>giš</sup>MÁ *ut-ṭe<sub>4</sub>-bi**ù lu úḥ-ta-al-li-iq*35 MÁ.LAH<sub>5</sub> <sup>giš</sup>MÁ*a-na be-el* <sup>giš</sup>MÁ*i-ri-a-ab*

## (§237)

*šum-ma a-wi-lum*MÁ.LAH<sub>5</sub> *ù* <sup>giš</sup>MÁ40 *i-gur-ma*

ŠE SIKI Ì.GIŠ ZÚ.LUM

[*ù*] *mi-im-ma šum-šu**ša še-nim**i-še-en-ši*45 MÁ.LAH<sub>5</sub> *šu-ú**i-gi-ma*<sup>giš</sup>MÁ *ut-ṭe<sub>4</sub>-eb-bi**ù ša li-ib-bi-ša**úḥ-ta-al-li-iq*50 MÁ.LAH<sub>5</sub><sup>giš</sup>MÁ *ša ú-ṭe<sub>4</sub>-eb-bu-ú**ù mi-im-ma**ša i-na li-ib-bi-ša**ú-ḥal-li-qú*55 *i-ri-a-ab*

## (§238)

*šum-ma* MÁ.LAH<sub>5</sub><sup>giš</sup>MÁ *a-wi-lim**ú-ṭe<sub>4</sub>-eb-bi-ma**uš-te-li-a-aš-š[i]*60 KÛ.BABBAR *mi-ši-i[l]* ŠÁM-š[a]*i-na-ad-di-i[n]*

## (§239)

*šum-ma a-wi-[lu]m*MÁ.LAH<sub>5</sub> [*i-gur*]6 [*ŠE.GUR*]65 *i-na ša-n[a-at]**i-na-a[d-di]-iš-[šum]*

## (§240)

*šum-ma* <sup>gi</sup>[šMÁ]*ša ma-ḥi-i[r-tim]*<sup>gi</sup>šMÁ *ša m[u-uq]-qé-el-pí-[tim]*70 *im-ḥa-aš-<sup>r</sup>ma<sup>7</sup>**uṭ-ṭe<sub>4</sub>-eb-<sup>r</sup>bi<sup>7</sup>**be-el* <sup>gi</sup>šMÁ *ša* <sup>gi</sup>šMÁ-šu *ṭe<sub>4</sub>-bi-a-<sup>r</sup>at<sup>7</sup>**mi-im-ma ša i-na* <sup>gi</sup>šMÁ-šu *ḥal-qú**i-na ma-ḥar i-lim*75 *ú-ba-ar-ma**ša ma-ḥi-ir-tim**ša* <sup>gi</sup>šMÁ *ša mu-uq-qé-el-pí-tim**ú-ṭe<sub>4</sub>-eb-bu-ú*<sup>gi</sup>šMÁ-šu *ù mi-im-ma-šu ḥal-qá-am*80 *i-ri-a-ab-šum*

## (§241)

*šum-ma a-wi-lum*GU<sub>4</sub> *a-na ni-pu-tim**it-te-pé*1/3 MA.NA KÙ.BABBAR *i-ša-qal*

## (§242)

85 *šum-ma a-wi-lum* <GU<sub>4</sub>>*a-na MU.1 i-gur*Á GU<sub>4</sub>.Á.ÛR.RA

4 ŠE.GUR

## (§“243”)

Á GU<sub>4</sub>.ÁB.MÚRU.SAG90 3 ŠE.GUR *a-na be-lí-šu**i-na-ad-di-in*

## (§244)

XXI r *šum-ma a-wi-lum*GU<sub>4</sub> ANŠE *i-gur-ma**i-na še-ri-im*UR.MAḤ *id-du-uk-šu*5 *a-na be-lí-šu-ma*

## (§245)

*šum-ma a-wi-lum*GU<sub>4</sub> *i-gur-ma**i-na me-gu-tim**ù lu i-na ma-ḥa-ší-im*10 *uš-ta-mi-it*GU<sub>4</sub> *ki-ma* GU<sub>4</sub>*a-na be-el* GU<sub>4</sub>*i-ri-a-ab*

## (§246)

- šum-ma a-wi-lum*  
 15 GU<sub>4</sub> *i-gur-ma*  
 GÌR-šu *iš-te-bi-ir*  
 ù *lu la-bi-a-an-šu*  
*it-ta-ki-is*  
 GU<sub>4</sub> *ki-ma* GU<sub>4</sub>  
 20 *a-na be-el* GU<sub>4</sub>  
*i-ri-a-ab*

## (§247)

- šum-ma a-wi-lum*  
 GU<sub>4</sub> *i-gur-ma*  
 IGI-šu *úh-tap-<pí>-id*  
 25 KÙ.BABBAR *mi-ši-il ŠÁM-šu*  
*a-na be-el* GU<sub>4</sub>  
*i-na-ad-di-in*

## (§248)

- šum-ma a-wi-lum*  
 GU<sub>4</sub> *i-gur-ma*  
 30 SI-šu *iš-bi-ir*  
 KUN-sú *it-ta-ki-is*  
 ù *lu* <sup>uzu</sup>SA.SAL-šu  
*it-ta-sa-AG*  
 KÙ.BABBAR IGI.4?.GÁL ŠÁM-šu  
 35 *i-na-ad-di-in*

## (§249)

- šum-ma a-wi-lum*  
 GU<sub>4</sub> *i-gur-ma*  
*i-lum im-ḥa-sú-ma*  
*im-tu-ut*  
 40 *a-wi-lum ša* GU<sub>4</sub> *i-gu-ru*  
*ni-iš i-lim*  
*i-za-kar-ma*  
*ú-ta-aš-šar*

## (§250)

- šum-ma* GU<sub>4</sub> <sup>su/sú(?)</sup>-*qá-am*  
 45 *i-na a-la-ki-šu*  
*a-wi-lam*  
*ik-ki-ip-ma*  
*uš-ta-mi-it*  
*di-nu-um šu-ú*  
 50 *ru-gu-um-ma-am*  
*ú-ul i-šu*

## (§251)

- «šum-ma» GU<sub>4</sub> a-wi-lim  
 na-ak-«ka-pi-ma»  
 ki-ma na-ak-k[a]-pu-«ú»  
 55 ba-ab-ta-šu  
 ú-še-di-šum-ma  
 qar-ni-šu  
 la ú-šar-[r]i-im  
 GU<sub>4</sub>-šu «la» ú-sa-an-ni-iq-ma  
 60 GU<sub>4</sub> šu-ú  
 DUMU a-wi-lim  
 i[k-k]i-ip-ma  
 u[š-ta]-mi-it  
 1/2 [MA].NA KÛ.BABBAR  
 65 «i»-[na]-ad-di-in

## (§252)

[šum-m]a ÌR a-wi-lim  
 «1/3»(?) MA.NA KÛ.BABBAR  
 «i»-na-ad-di-in

## (§253)

- [š]um-ma a-wi-lum a-wi-lam  
 70 a-na pa-ni A.ŠÀ-šu  
 ú-zu-uz-zi-im  
 i-gur-ma  
 [A]L.DÛ.A-am  
 [i]-qí-ip-šu  
 75 [ÁB].GU<sub>4</sub><sup>hi-a</sup> [i]p-qí-súm  
 [a-na(?)] «A».ŠÀ e-re-ši-im «ú»-ra-ak-ki-sú  
 [šu]m-ma a-wi-lum šu-ú  
 ŠE.NUMUN ù lu ŠÀ.GAL  
 iš-ri-iq-ma  
 80 i-na qá-ti-šu  
 it-ta-aš-ba-at  
 KIŠIB.LÁ-šu i-na-ak-ki-su

## (§254)

- šum-ma AL.DÛ.A-am  
 il-qé-ma ÁB.GU<sub>4</sub><sup>hi-a</sup>  
 85 ú-te-en-ni!(GAG)-iš  
 «ta»-«aš/áš»-na ŠE ša im-ḫu!(RI)-ru  
 i-ri-ab

## (§255)

šum-«ma» ÁB.GU<sub>4</sub><sup>hi-a</sup>  
 a-wi-lim a-[n]a ig-ri-im

- 90 *it-ta-di-in*  
 ù lu ŠE.[NU]MUN *iš-ri-iq-ma*  
*i-na* A.[Š]À *la uš-tab-ši*  
*a-wi-lam šu-a-ti*  
*ú-ka-an-[n]u-šu-ma*
- 95 *i-na* BU[RU<sub>14</sub> 18 I]KU.E  
 60 ŠE.GU[R] *ṛi-ma-ṛad-da-ad*

**(§256)**

- šum-[m]a pí-ḥa-sú*  
*a-ṛpa-ṛlam la i-le-i*  
*i-na* A.ŠÀ *šu-a-ti i-na* ÁB.GU<sub>4</sub><sup>hi-a</sup>
- 100 *im-ta-na-aš-ša-ṛru-ṛšu*

**(§257)**

- šum-ma a-wi-ṛlum*  
 XXII r ENGAR *i-gur*  
 8 ŠE.GUR  
*i-na* MU.1.KAM  
*i-na-ad-di-iš-šum*

**(§258)**

- 5 *šum-ma a-wi-lum*  
 ŠÀ.GU<sub>4</sub> *i-gur*  
 6 ŠE.GUR  
*i-na* MU.1.KAM  
*i-na-ad-di-iš-šum*

**(§259)**

- 10 *šum-ma a-wi-lum*  
<sup>giš</sup>APIN *i-na* A.GÀR  
*iš-ri-iq*  
 5 GÍN KÙ.BABBAR  
*a-na be-el* <sup>giš</sup>APIN
- 15 *i-na-ad-di-in*

**(§260)**

- šum-ma* <sup>giš</sup>APIN.TÚG.KIN  
 ù lu <sup>giš</sup>GÁN.ÛR  
*iš-ta-ri-iq*  
 3 GÍN KÙ.BABBAR
- 20 *i-na-ad-di-in*

**(§261)**

- šum-ma a-wi-lum*  
 NA.GADA *a-na* ÁB.GU<sub>4</sub><sup>hi-a</sup>



- ù U<sub>8</sub>.UDU<sup>hi-a</sup>  
*re-im i-gur*  
 25 8 ŠE.GUR  
*i-na MU.1.KAM*  
*i-na-ad-di-iš-šum*

**(§262)**

- šum-ma a-wi-lum*  
 GU<sub>4</sub> ù lu ʾUDUʾ  
 30 *a-na [...]*  
 (Lücke von 6 Zeilen)

**(§263)**

- 37 *šum-m[a GU<sub>4</sub>] ù lu [UDU]*  
*ša in-na-ad-nu-š[um]*  
*úh-ta-al-li-[iq]*  
 40 GU<sub>4</sub> *ki-ma [GU<sub>4</sub>]*  
 UDU *ki-ma [UDU]*  
*a-na be-lí-[šu-nu]*  
*i-ri-a-[ab]*

**(§264)**

- 45 *šum-ma [SIPA]*  
*ša ÁB.G[U<sub>4</sub><sup>hi-a</sup>]*  
 ù lu U<sub>8</sub>. [UDU<sup>hi-a</sup>]  
*a-na r[e-im]*  
*in-na-[ad-n]u-šu[m]*  
*Á-šu g[a-a]m-ra-tim*  
 50 *ma-ʾhiʾ-ir*  
*li-i[b]-ba-šu ta-ab*  
 ÁB.[G]U<sub>4</sub><sup>hi-a</sup>  
 ʾuṣ-šaʾ-ah-*hi-ir*  
 [U<sub>8</sub>].UDU<sup>hi-a</sup>  
 55 *uṣ-ša-ah-*hi-ir**  
*ta-li-it-tam um-ta-ti*  
*a-na KA ri-ik-sa-ti-šu*  
*ta-li-it-tam*  
 ù *bi-il-tam*  
 60 *i-na-ad-di-in*

**(§265)**

- šum-ma SIPA*  
*ša ÁB.GU<sub>4</sub><sup>hi-a</sup>*  
 ù lu U<sub>8</sub>.UDU<sup>hi-a</sup>  
*a-na re-im*  
 65 *in-na-ad-nu-šum*  
*ú-sa-ar-ri-ir-ma*

- ši-im-tam ut-ta-ak-ki-ir*  
*ù a-na KÙ.BABBAR*  
*it-ta-di-in*  
 70 *ú-ka-an-nu-šu-ma*  
 A.RÁ 10-šu ša iš-ri-qú  
 ÁB.GU<sub>4</sub><sup>hi-a</sup>  
*ù U<sub>8</sub>.UDU<sup>hi-a</sup>*  
*a-na be-lí-šu-nu*  
 75 *i-ri-a-ab*

**(§266)**

- šum-ma i-na TÛR*  
*li-pí-it DINGIR it-tab-ši*  
*ù lu UR.MAḪ id-du-uk SIPA ma-ḫar!(ḪI) DINGIR*  
*ú-ub-ba-am-ma*  
 80 *mi-qí-it-ti TÛR*  
*be-el TÛR i-maḫ-ḫar-šu*

**(§267)**

- šum-ma SIPA i-gu!(GÉME)-ma*  
*i-na TÛR pé-sà-tam uš-tab-ši*  
 SIPA ḫi-ṭi-it pé-sà-tim  
 85 *ša i-na TÛR ú-ša-ab-šu-ú*  
 ÁB.GU<sub>4</sub><sup>hi-a</sup> *ù U<sub>8</sub>.UDU<sup>hi-a</sup>*  
*ú-ša-lam-ma*  
*a-na be-lí-šu-nu*  
*i-na-ad-di-in*

**(§268)**

- 90 *šum-ma a-wi-lum GU<sub>4</sub>*  
*a-na di-a-ši-im i-gur*  
 0.0.2 ŠE Á-šu

**(§269)**

- šum-ma ANŠE*  
*a-na di-a-ši-im i-gur*  
 95 0.0.1 ŠE Á-šu

**(§270)**

- šum-ma MÁŠ*  
*a-na di-a-ši-im i-gur*  
 0.0.0.1 SÌLA ŠE Á-šu

**(§271)**

- 100 *šum-ma a-wi-lum*  
 ÁB.GU<sub>4</sub><sup>hi-a</sup> <sup>giš</sup>MAR.GÍD.DA  
*ù mu-úr-te-di-ša i-gur*  
 XXIII r *i-na UD.1.KAM 0.3.0 ŠE*  
*i-na-ad-di-in*

**(§272)***šum-ma a-wi-lum*giš<sup>š</sup>MAR.GÍD.DA-*ma*

- 5 *a-na ra-ma-ni-ša i-gur*  
*i-na UD.1.KAM 0.0.4 ŠE*  
*i-na-ad-di-in*

**(§273)***šum-ma a-wi-lum*LÚ.ĤUN.GÁ *i-gur*

- 10 *iš-tu re-eš ša-at-tim*  
*a-di ha-am-ši-im ITI-im*  
 6 ŠE KÙ.BABBAR  
*i-na UD.1.KAM*  
*i-na-ad-di-in*
- 15 *iš-tu ši-ši-im ITI-im*  
*a-di ta-aq-ti-it!(DA) ša-at-tim*  
 5 ŠE KÙ.BABBAR  
*i-na UD.1.KAM*  
*i-na-ad-di-in*

**(§274)**

- 20 *šum-ma a-wi-lum*  
 DUMU UM.MI.A  
*i-ig-ga-a[r]*  
 Á LÚ-[*x*]  
 5 ŠE K[Ù.BA]BBAR
- 25 Á LÚ.[TÚG.D]U<sub>8</sub>.A  
 ʾ5ʾ [ŠE KÙ].BABBAR  
 [Á L]Ú.GADA  
 [*x* ŠE] KÙ.BABBAR  
 [Á BU]R.GUL
- 30 [*x* ŠE KÙ].BABBAR  
 [Á ZA]DIM?  
 [*x* ŠE KÙ].BABBAR  
 [Á SI]MUG  
 [*x* ŠE KÙ].BABBAR
- 35 [Á] NAGAR  
 ʾ4ʾ? ŠE KÙ.BABBAR  
 Á AŠGAB  
 [*x*] ŠE KÙ.BABBAR  
 ʾÁʾ AD.KID
- 40 [*x*] ʾŠEʾ KÙ.BABBAR  
 [Á] ŠITIM  
 [*x* ŠE KÙ].BABBAR  
 [*i-na* UD].1.KAM  
 [*i-na-ad-d*]*i-in*

## (§275)

- 45 [šum-ma a]-wi-lum  
[x x x] x i-gur  
「i-na」 UD.1.KAM  
3 ŠE KÛ.BABBAR Á-ša

## (§276)

- šum-ma ma-ḥi-ir-tam i-gur  
50 2 1/2 ŠE KÛ.BABBAR Á-ša  
i-na UD.1.KAM  
i-na-ad-di-in

## (§277)

- šum-ma a-wi-lum  
ḡišMÁ.60.GUR i-gur  
55 i-na UD.1.KAM  
IGI.6.GÁL KÛ.BABBAR Á-ša  
i-na-ad-di-in

## (§278)

- šum-ma a-wi-lum  
ÌR GÉME i-ša-am-ma  
60 ITI-šu la im-la-ma  
bé-en-ni e-li-šu  
62/63 im-ta-qú-ut a-na na-di-na-ni-šu ú-「ta-ar」-ma  
64 ša-a-a-ma-nu-um  
KÛ.BABBAR iš-qú-lu  
i-le-qé

## (§279)

- šum-ma a-wi-lum  
ÌR GÉME i-ša-am-ma  
ba-aq-ri ir-ta-ši  
70 na-di-na-an-šu  
ba-aq-ri i-ip-pa-al

## (§280)

- šum-ma a-wi-lum  
i-na ma-at  
nu-ku-úr-tim  
75 ÌR GÉME ša a-wi-lim  
iš-ta-am  
i-nu-ma  
i-na li-ib-bu KALAM  
it-ta-al-kam-ma  
80 be-el ÌR ù lu GÉME  
lu ÌR-sú ù lu GÉME-sú

*ú-te-ed-di*  
*šum-ma ÌR ù GÉME šu-nu*  
 DUMU<sup>meš</sup> *ma-tim*  
 85 *ba-lum KÙ.BABBAR-ma*  
*an-du-ra-ar-šu-nu*  
*iš-ša-ak-ka-an*

(§281)

*šum-ma DUMU<sup>meš</sup> ma-tim ša-ni-tim*  
*ša-a-a-ma-nu-ma*  
 90 *i-na ma-ḥar i-lim*  
*KÙ.BABBAR iš-qú!(LU)-lu*  
*i-qá!(BI)-ab-bi-ma*  
*be-el ÌR ù lu GÉME*  
*KÙ.BABBAR iš-qú-lu a-na DAM.GÀR*  
 95 *i-na-ad-di-in-ma*  
*lu ÌR-sú lu GÉME-sú i-pa-ṭár!(AG)*

(§282)

*šum-ma ÌR a-na be-lí-šu*  
*ú-ul be-lí at-ta*  
*iq-ta-bi*  
 100 *ki-ma ÌR-sú*  
*ú-ka-an-šu-ma*  
*be-el-šu ú-zu-un-šu i-na-ak-ki-is*

(Epilog)

XXIV r *di-na-a-at*  
*mi-ša-ri-im*  
*ša Ḥa-am-mu-ra-bi*  
*šar-ru-um le-ú-um*  
 5 *ú-ki-in-nu-ma*  
*ma-tam ú-sa-am ki-n[a]m*  
*ù ri-dam dam-qá-am*  
*ú-ša-aš-bi-tu*  
*Ḥa-am-mu-ra-bi*  
 10 *šar-ru-um gi-it-ma-lum a-na-ku*  
*a-na SAG.GI<sub>6</sub>*  
*ša <sup>d</sup>En-líl iš-ru-kam*  
*re-ú-sí-na*  
<sup>d</sup>AMAR.UD *i-din-nam*  
 15 *ú-ul e-gu*  
*a-ḥi ú-ul ad-di*  
*aš-ri šu-ul-mi-im*  
*eš-te-i-ši-na-ši[m]*  
*pu-<sup>r</sup>uš<sup>r</sup>-qí wa-[aš-ṭ]ú-tim*  
 20 *ú-[p]e-et-ti*  
*n[u-r]a-am ú-še-ší-ši-na-ši-im*

- i-na* <sup>giš</sup>TUKUL *da-an-nim*  
*ša* <sup>d</sup>Za-ba<sub>4</sub>-ba<sub>4</sub>  
*ù* <sup>d</sup>INANNA  
25 *ú-ša-at-li-mu-nim*  
*i-na* IGI.GÁL  
*ša* <sup>d</sup>En-ki *i-ši-ma-am*  
*i-na* *le-ú-tim*  
*ša* <sup>d</sup>AMAR.UD *id-di-nam*  
30 *na-ak-ri e-li-iš*  
*ù* *ša-ap-li-iš as-sú-úḥ*  
*qá-ab-la-tim ú-bé-el-li*  
*ši-ir ma-tim*  
*ú-ti-ib*  
35 *ni-ši da-ad-mi*  
*a-bu-úr-ri*  
*ú-šar-bí-iṣ*  
*mu-gal-li-tam*  
*ú-ul ú-šar-ši-ši-na-ti*  
40 DINGIR GAL.GAL  
*ib-bu-ú-nin-ni-ma*  
*a-na-ku-ma*  
SIPA *mu-ša-al-li-mu-um*  
*ša* <sup>giš</sup>GIDRU-šu  
45 *i-ša-ra-at*  
*ṣi-lí ta-bu-um*  
*a-na* URU-ia  
*ta-ri-iṣ*  
*i-na* *ut-li-ia*  
50 *ni-ši* KALAM Šu-me-rí-im  
*ù* *Ak-ka-di-im*  
*ú-ki-il*  
*i-na* *la-ma-sí-ia*  
*iḥ-ḥi-ša*  
55 *i-na* *šu-ul-mi-im*  
*at-tab-ba-al-ši-na-ti*  
*i-na* *ne-me-qí-ia*  
*uš-tap-zí-ir-ši-na-ti*  
*dan-nu-um en-ša-am*  
60 *a-na* *la ḥa-ba-lim*  
NU.SIKI NU.MU.SU  
*šu-te-šu-ri-im*  
*i-na* KÁ.DINGIR.RA<sup>ki</sup>  
URU *ša* AN *ù* <sup>d</sup>En-líl  
65 *re-ši-šu*  
*ú-u[l]-lu-ú*  
*i-na* É-sag-「l」  
É *ša* *ki-ma* *ša-me-e*  
*ù* *er-še-tim* SUḤUŠ-šu *ki-na*  
70 *di-in* *ma-tim* *a-na* *di-a-nim*  
*pu-ru-sé-e* *ma-tim*

- a-na pa-ra-si-im*  
*ḥa-ab-lim šu-te-šu-ri-im*  
*a-wa-ti-ia šu-qú-ra-tim*  
 75 *i-na NA.RU-ia aš-ṭur-ma*  
*i-na ma-ḥar ALAM-ia*  
 LUGAL *mi-ša-ri-im*  
*ú-ki-in*  
 LUGAL *ša in LUGAL-rí*  
 80 *šu-tu-ru a-na-ku*  
*a-wa-tu-ú-a na-ás-qá*  
*le-ú-ti ša-ni-nam*  
*ú-ul i-šu!(NA)*  
*i-na qí-bí-it* <sup>d</sup>UTU  
 85 *da-a-a-nim ra-bi-im*  
*ša AN ù KI*  
*mi-ša-ri i-na KALAM*  
*li-iš-te-pí*  
*i-na a-wa-at*  
 90 <sup>d</sup>AMAR.UD *be-lí-ia*  
*ú-šú-ra-tu-ú-a*  
*mu-ša-sí-<sup>r</sup>kam<sup>r</sup> a ir-ši-a*  
*i-na É-sag-íl*  
*ša a-ra-am-mu šu-mi i-na da-mi-iq-tim*  
 XXV r *a-na da-ar*  
*li-iz-za-ki-ir*  
*a-wi-lum ḥa-ab-lum*  
*ša a-wa-tam*  
 5 *i-ra-aš-šu-ú*  
*a-na ma-ḥa-ar ALAM-ia*  
 LUGAL *mi-ša-ri-im*  
*li-il-li-ik-ma*  
 NA.RU-*i*  
 10 *ša-aṭ-ra-am*  
*li-iš-ta-ás-si-ma*  
*a-wa-ti-ia*  
*šu-qú-ra-tim*  
*li-iš-me-ma*  
 15 NA.RU-*i a-wa-tam*  
*li-kál-lim-šu*  
*di-in-šu li-mu-úr*  
*li-<sup>r</sup>ib-ba-šu<sup>r</sup>*  
*l[i-n]a-ap-pí-iš-ma*  
 20 [*Ha*]-*am-mu-ra-bi-mi*  
*be-lum ša ki-ma a-bi-im*  
*wa-li-di-im*  
*a-na ni-ši*  
*i-ba-aš-šu-ú*  
 25 *a-na a-wa-at*  
<sup>d</sup>AMAR.UD *be-lí-šu*  
*uš-ta-ak-ti-it-ma*

- ir-ni-ti* <sup>d</sup>AMAR.UD  
*e-li-iš*  
30 *ù ša-ap-li-iš*  
*ik-šu-ud*  
*li-ib-bi* <sup>d</sup>AMAR.UD  
*be-lí-šu ú-ti-ib*  
*ù ši-ra-am ta-ba-am*  
35 *a-na ni-ši*  
*a-na da-ar i-ši-im*  
*ù ma-tam*  
*uš-te-še-er*  
*á-ni-tam*  
40 *li-iq-bi-ma*  
*i-na ma-ḥar*  
<sup>d</sup>AMAR.UD *be-lí-ia*  
<sup>d</sup>Zar-pa-ni-tum  
*be-el-ti-ia*  
45 *i-na li-ib-bi-šu*  
*ga-am-ri-im*  
*li-ik-ru-ba-am*  
*še-du-um la-ma-súm*  
DINGIR.DINGIR *e-ri-bu-ut*  
50 *É-sag-íl*  
SIG<sub>4</sub> *É-sag-íl*  
*i-gi-ir-re-e*  
*u<sub>4</sub>-mi-ša-am*  
*i-na ma-ḥar*  
55 <sup>d</sup>AMAR.UD *be-lí-ia*  
<sup>d</sup>Zar-pa-ni-tum  
*be-el-ti-ia*  
*li-dam-mi-quí*  
59/60 *a-na wa-ar-ki-a-at u<sub>4</sub>-mi*  
61 *a-na ma-ti-ma*  
LUGAL *ša i-na* KALAM  
*ib-ba-aš-šu-ú*  
*a-wa-a-at*  
65 *mi-ša-ri-im*  
*ša i-na* NA.RU-*ia*  
*aš-tú-ru li-ṣur*  
*di-in ma-tim*  
*ša a-di-nu*  
70 *pu-ru-sé-e* KALAM  
*ša ap-ru-su*  
*a ú-na-ak-ki-ir*  
*ú-šú-ra-ti-ia*  
*a ú-ša-sí-ik*  
75 *šum-ma a-wi-lum šu-ú*  
*ta-ši-im-tam i-šu-ma*  
*ma-sú šu-te-šu-ra-am i-le-i*  
*a-na a-wa-a-tim*



- 80 *ša i-na NA.RU-ia aš-ṭú-ru li-qúl-ma*  
*ki-ib-sa-am ri-dam*  
*di-in KALAM ša a-di-nu*  
*pu-ru-sé-e KALAM*  
*ša ap-ru-su*  
 NA.RU-um šu-ú  
 85 *li-kál-lim-šu-ma*  
*ša-al-ma-at qá-qá-di-šu*  
*li-iš-te-še-er*  
*di-in-ši-na li-di-in*  
*pu-ru-sà-ši-na*  
 90 *li-ip-ru-ús*  
*i-na ma-ti-šu ra-ga-am*  
*ù še-nam li-sú-úḥ*  
*ši-ir ni-ši-šu*  
*li-ti-ib*  
 95 *Ḫa-am-mu-ra-bi*  
 LUGAL *mi-ša-ri-im*  
*ša <sup>d</sup>UTU ki-na-tim*  
*iš-ru-ku-šum a-na-ku*  
*a-wa-tu-ú-a na-ás-qá*  
 100 *ep-še-tu-ú-a*  
*ša-ni-nam*  
*ú-ul i-ša-a*  
 103/4 *e-la a-na la ḫa-sí-im ri-qá*  
 105 *a-na em-qí-im*  
 XXVI r *a-na ta-na-da-tim šu-ša-a*  
*šum-ma a-wi-lum šu-ú*  
*a-na a-wa-ti-ia*  
*ša i-na NA.RU-ia aš-ṭú-ru*  
 5 *i-qúl-ma*  
*dì-ni la ú-ša-as-sí-ik*  
*a-wa-ti-ia*  
*la uš-te-pe-el*  
*ú-šú-ra-ti-ia*  
 10 *la ú-na-ki-ir*  
*a-wi-lum šu-ú*  
*ki-ma ia-ti*  
 LUGAL *mi-ša-ri-im*  
<sup>d</sup>UTU *gišGIDRU-šu*  
 15 *li-ir-ri-ik*  
*ni-<sup>r</sup>ši-šú<sup>r</sup>*  
*i-na mi-ša-ri-im li-re*  
*šum-ma a-wi-lum šu-ú*  
*<a-na> a-wa-ti-ia*  
 20 *ša i-na NA.RU-ia*  
*aš-ṭú-ru*  
*la i-qúl-ma*  
*er-re-ti-ia*  
*i-me-eš-ma*

- 25 *er-re-et ì-lí*  
*la i-dur-ma*  
*di-in a-di-nu*  
*up-ta-as-sí-is*  
*a-wa-ti-ia*
- 30 *uš-te-pe-el*  
*ú-šú-ra-ti-ia*  
*ut-ta-ak-ki-ir*  
*šu-mi ša-aṭ-ra-am*  
*ip-ši-iṭ-ma*
- 35 *šum-šu iš-ta-ṭár*  
*aš-šum er-re-tim!(ŠUM) ši-na-ti*  
*ša-ni-a-am-ma*  
*uš-ta-ḫi-iz*  
*a-wi-lum šu-ú*
- 40 *lu LUGAL*  
*lu EN*  
*lu ÉNSI*  
*ù lu a-wi-lu-tum*  
*ša šu-ma-am na-bi-a-at*
- 45 *AN ra-bu-um*  
*a-bu ì-lí*  
*na-bu-ú BALA-ia*  
*ME.LÁM šar-ru-tim*  
*li-ṭe<sub>4</sub>-er-šu*
- 50 *g<sup>iš</sup>GIDRU-šu*  
*li-iš-bi-ir*  
*ši-ma-ti-šu li-ru-ur*  
<sup>d</sup>*En-líl be-lum*  
*mu-ši-im ši-ma-tim*
- 55 *ša qí-bí-sú*  
*la ut-ta-ka-ru*  
*mu-šar-bu-ù*  
*šar-ru-ti-ia*  
*te-ši la šu-up-pí-im*
- 60 *ga-ba-ra-aḫ*  
*ḫa-la-qí-šu*  
*i-na šu-ub-ti-šu*  
*li-ša-AB-BI-ḫa-aš-šum*  
*BALA ta-ne-ḫi-im*
- 65 *u<sub>4</sub>-mi i-šú-tim*  
*ša-na-a-at*  
*ḫu-ša-aḫ-ḫi-im*  
*ek-le-et*  
*la na-wa-ri-im*
- 70 *mu-ut ni-ṭi-il i-nim*  
*a-na ši-im-tim*  
*li-ši-im-šum*  
*ḫa-la-aq URU-šu*  
*na-ás-pu-úḫ ni-ši-šu*

- 75    *šar-ru-sú šu-pé-lam*  
       *šum-šu ù zi-kir-šu*  
       *i-na ma-tim*  
       *la šu-ub-ša-a-am*  
       *i-na KA-šu kab-tim*
- 80    *li-iq-bi*  
       <sup>d</sup>Nin-líl  
       AMA *ra-bí-tum*  
       *ša qí-bí-sà*  
       *i-na É-kur kab-ta-at*
- 85    NIN *mu-dam-mi-qá-at*  
       *i-gi-ir-re-ia*  
       *a-šar ší-ip-ṭi-im*  
       *ù pu-ru-sé-em*  
       *i-na ma-ḥar* <sup>d</sup>En-líl
- 90    *a-wa-sú li-le-mi-in*  
       *šu-ul-pu-ut ma-ti-šu*  
       *ḥa-la-aq ni-ši-šu*  
       *ta-ba-ak na-piš-ti-šu*  
       *ki-ma me-e*
- 95    *i-na KA* <sup>d</sup>En-líl  
       *šar-ri-im*  
       *li-ša-aš-ki-in*  
       <sup>d</sup>En-ki NUN *ra-bi-um*  
       *ša ší-ma-tu-šu*
- 100   *i-na maḥ-ra i-la-ka*  
       ABGAL *ì-lí*  
       *mu-de mi-im-ma šum-šu*  
       *mu-ša-ri-ku*
- XXVII r    *u<sub>4</sub>-um ba-la-ṭi-ia*  
       *uz-nam*  
       *ù ne-me-qá-am*  
       *li-ṭe<sub>4</sub>-er-šu-ma*
- 5        *i-na mi-ši-tim*  
       *li-it-ta-ar-ru-šu*  
       I<sub>7</sub>.I<sub>7</sub>-šu  
       *i-na na-ag-bi-im*  
       *li-is-ki-ir*
- 10        *i-na er-še-ti-šu*  
       <sup>d</sup>ÉZINU  
       *na-pí-iš-ti ni-ši*  
       *a ú-ša-ab-ši*  
       <sup>d</sup>UTU *da-a-a-nu-um ra-bi-um*
- 15        *ša ša-me-e*  
       *ù er-še-tim*  
       *mu-uš-<sup>r</sup>te<sup>ṽ</sup>-še-er*  
       *ša-ak-na-at na-pí-iš-tim*  
       *be-lum tu-kúl-ti*
- 20        *šar-ru-sú li-is-ki-ip*  
       *di-in-šu*

- a i-di-in*  
*ú-ru-úh-šu li-ši*  
 SUĤUŠ!(DU) *um-ma-ni-šu*  
 25 *li-iš-he-<sup>⌈</sup>el<sup>⌋</sup>-ši*  
*i-na bi-ri-šu*  
 UZU *lem-nam*  
*ša na-sa-aḥ*  
 SUĤUŠ *šar-ru-ti-šu*  
 30 *ù ḥa-la-aq ma-ti-šu li-iš-ku-un-šum*  
*a-wa-tum ma-ru-uš-tum*  
*ša <sup>d</sup>UTU ar-ḥi-iš*  
*li-ik-šu-sú*  
*e-li-iš*  
 35 *i-na ba-a[l]-tú-tim*  
*li-is-sú-úh-šu*  
*ša-ap-li-iš*  
*i-na er-še-tim*  
 GIDIM<sub>4</sub>.GIDIM<sub>4</sub>-*šu*  
 40 *me-e li-ša-az-mi*  
*<sup>d</sup>EN.<sup>⌈</sup>ZU<sup>⌋</sup> be-el ša-me-e*  
 DINGIR *ba-ni-i*  
*ša še-re-sú*  
*i-na i-lí šu-pa-a-at*  
 45 AGA <sup>giš</sup>GU.ZA *ša šar-ru-tim*  
*li-ṭe<sub>4</sub>-er-šu*  
*ar-nam kab-tam*  
*še-re-sú ra-bi-tam*  
*ša i-na zu-um-ri-šu*  
 50 *la i-ḥal-li-qú*  
*li-mu-sú-ma*  
*u<sub>4</sub>-mi ITI.ITI*  
*ša-na-a-at BALA-šu*  
*i-na ta-ne-ḥi-im*  
 55 *ù di-im-ma-tim*  
*li-ša-aq-ti*  
*kam-ma-al šar-ru-tim*  
*li-ša-aṭ-ṭi-il-šu*  
*ba-la-ṭam*  
 60 *ša it-ti mu-tim*  
*ši-ta-an-nu*  
*a-na ši-im-tim*  
*li-ši-im-šum*  
*<sup>d</sup>IŠKUR be-el ḤÉ.GÁL*  
 65 GŪ.GAL *ša-me-e*  
*ù er-še-tim*  
*re-šú-ú-a*  
*zu-ni i-na ša-me-e*  
*mi-lam*  
 70 *i-na na-ag-bi-im*  
*li-ṭe<sub>4</sub>-er-šu*

- ma-sú*  
*i-na hu-ša-ah-ḫi-im*  
*ù bu-bu-tim*  
75 *li-hal-li-iq*  
*e-li URU-šu*  
*ez-zi-iš*  
*li-is-si-ma*  
*ma-sú a-na DU<sub>6</sub> a-bu-bi-im*  
80 *li-te-er*  
<sup>d</sup>Za-ba<sub>4</sub>-ba<sub>4</sub>  
*qar-ra-du-um ra-bi-um*  
DUMU *re-eš-tu-um*  
*ša É-kur*  
85 *a-li-ku im-ni-ia*  
*a-šar tám-ḫa-ri-im*  
<sup>giš</sup>TUKUL-šu *li-iš-bi-ir*  
*u<sub>4</sub>-ma-am a-na mu-ši-im*  
*li-te-er-šum-ma*  
90 *na-ki-ir-šu e-li-šu*  
*li-iš-zi-iz*  
<sup>d</sup>INANNA *be-le-et*  
ME<sub>6</sub> *ù ŠEN.ŠEN<sup>7</sup>*  
*pa-ti-a-at*  
95 <sup>giš<sup>r</sup></sup>TUKUL<sup>7</sup>-*ia*  
*la-ma-sí*  
*da-mi-iq-tum*  
*ra-i-ma-at BALA-ia*  
*i-na li-ib-bi-ša*  
100 *ag-gi-im*  
*i-na uz-za-ti-ša*  
*ra-bí-a-tim*  
*šar-ru-sú li-ru-ur*  
*dam-qá-ti-šu*  
105 *a-na le-em-ne-tim*  
*li-te-er*  
XXVIII r <<*li-te-er*>>  
*a-šar ME<sub>6</sub> ù ŠEN.ŠEN*  
<sup>giš</sup>TUKUL-šu  
*li-iš-b[i]-ir*  
5 *i-ši-tam*  
*sà-ah-ma-aš-tam*  
*li-iš-ku-un-šum*  
*qar-ra-di-šu*  
*li-ša-am-qí-it*  
10 *da-mi-šu-nu*  
*er-še-tam li-iš-qí*  
*gu-ru-un*  
*ša-al-ma-at*  
*um-ma-na-ti-šu*  
15 *i-na še-ri-im*

- li-it-ta-ad-di*  
 ÉREN-<sup>7</sup>šu-ma(?) re-ma<sup>7</sup>-am  
*a-i ú-šar-ši*  
*šu-a-ti*  
 20 *a-na qá-at na-ak-ri-šu*  
*li-ma-al-li-šu-ma*  
*a-na ma-at nu-ku-úr-ti-šu*  
*ka-mi-iš li-ru-šu*  
<sup>d</sup>NÈ.ER<sub>11</sub>.GAL  
 25 *dan-nu-um i-na ì-lí*  
*qá-ba-al la ma-ḥa-ar*  
*mu-ša-ak-ši-du*  
*ir-ni-ti-ia*  
*i-na ka-šu-ši-šu*  
 30 *ra-bi-im*  
*ki-ma i-ša-tim*  
*ez-ze-tim ša a-pí-im*  
*ni-ši-šu*  
*li-iq-me*  
 35 *in* <sup>giš</sup>TUKUL-šu *dan-nim*  
*li-ša-ti-šu-ma*  
*bi-ni-a-ti-šu*  
*ki-ma ša-lam ti-ti-im*  
*li-iḥ-bu-uš*  
 40 <sup>d</sup>Nin-tu  
 NIN *ši-ir-tum*  
*ša ma-ta-tim*  
 AMA *ba-ni-ti*  
 IBILA *li-ṭe<sub>4</sub>-er-šu-ma*  
 45 *šu-ma-am*  
*a ú-šar-ši-šu*  
*i-na qer-bi-it ni-ši-šu*  
 NUMUN *a-wi-lu-tim*  
*a ib-ni*  
 50 <sup>d</sup>Nin-kar-ra-ak  
 DUMU.MUNUS AN-*nim*  
*qá-bi-a-at*  
*dum-qí-ia*  
*i-na É-kur*  
 55 *mur-ša-am kab-tam*  
 Á.ZÁG *le-em-nam*  
*sí-im-ma-am mar-ša-am*  
*ša la i-pa-aš-še-ḥu*  
 A.ZU!(SU) *qé-re-eb-šu*  
 60 *la i-lam-ma-du*  
*i-na sí-im-di*  
*la ú-na-aḥ-ḥu-šu*  
*ki-ma ni-ši-ik mu-tim la in-na-sà-ḥu*  
*i-na bi-ni-a-ti-šu*  
 65 *li-ša-ši-a-aš-šum-ma*

- a-di na-pí-iš-ta-šu*  
*i-bé-el-lu-ú*  
*a-na eṭ-lu-ti-šu*  
*li-id!(DA)-dam-ma-am*  
 70 DINGIR GAL.GAL  
*ša ša-me-e*  
*ù er-še-tim*  
<sup>d</sup>A.nun.na  
*i-na ŠU+NÍGIN-šu-nu*  
 75 *še-ed bi-tim*  
 SIG<sub>4</sub> É-babbar-ra  
*šu-a-ti*  
 NUMUN-šu  
*ma-sú ÉREN-šu*  
 80 *ni-ši-šu*  
*ù um-ma-an-šu*  
*er-re-tam*  
*ma-ru-uš-tam li-ru-ru*  
*er-re-tim*  
 85 *á!(DA)-ni-a-tim*  
<sup>d</sup>En-líl  
*i-na KA-šu*  
*ša la ut-ta-ak-ka-ru*  
*li-ru-ur-šu-ma*  
 90 *ar-ḫi-iš*  
*li-ik-šu-da-šu*